

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

33

T 3194/4634. 85

卷之十九

志

安成之唐書云公西岳之臣王武其善以仙

術而現存可謂湖山則道信宗釋宗所由

而此以推其端始散見於屬者不少有州

類多於開運影曜備其甚也高亦或流為

我民於仙佛之謂以見其況溪山深處文人學士

不為不為者不為之為理備然亦之之而益

之云云也

之云云也

之云云也

吉安府志卷五十九

寺觀志

安成之盧蕭武公西昌之匡王武姥皆以仙跡名而郡境有青原潮山則道信宏濟禪宗所由闢也由是以推道場佛刹散見郡屬者不少吉州前賢類多推闡聖教彰明儒術其過高者亦或流爲空寂托於仙佛之間以見意况溪山深處文人學士孤高養晦者不乏焉匪獨縉流羽客之所盤桓已也立寺觀志

廬陵縣寺觀

祥符寺在古東山吳建興二年建名東山禪寺宋大中祥

哈佛大學漢和
圖書館珍藏印

符元年戊申賜今額淳熙間併羅漢院及慈恩寺之中
宮壘甘露戒壘神運塔合爲一寺宋劉辰翁記 國朝
知府楊可楹修

劉記云佛滅度後二千二百六十年爲大曠劫來未曾
有劫上自羲農堯舜聖賢文獻神明帝胄王侯列國仙
真海嶽三宮九廟玉堂金門臺省館學士林邸第州縣
亭驛庠塾禮殿園池故家田廬邱隴斷煙廢址荒墟殘
照以至無有區宇情識沉淪跡絕雖如天竺靈隱淨慈
徑山諸大寶刹漂搖慘愴晝無游者祥符此時在吾城
中號第一禪林又自往年圯壞欲盡齋廚網空堂貯器
塵額廊蕭然不待兵興無復起理有大比丘寶龍名會

自嶽來歸推重教席入門而歎鄉閭古寺凋敝至此會
當干戈南北縱橫歲儉人饑豪右衰落施者猶丐工價
騰涌官無闔廬敗不遑效又於其間樓船駕海斬伐百
祀六合爲爐錢牡欲飛祥符此時乃能新成晃如湖山
起自衡簷以棲過笠中建雲林開合萬衆道人高坐風
幡堂上梵僧來禮初見儀矩鐘樓藏殿壞無不舉金晶
碧映塔崇故本侵者歸疆壁涌諸天燈徹内外用意久
遠積銖累息傳之千燈丙子庚辰工萬費億不知昔者
祥符盛時亦如是否於是觀者贊歎疑怪師雖宏願以
何佛力時絀舉羸舍舊圖新於滅劫末鬱爲莊嚴是大
希有求記於余余曰盛衰反復之變天也蓋故老嘗言

過江前城內外惟開元併圓通塔院藏院爲一而祥符直慈恩之羅漢一院耳計其初基牆垣繚繞鼓鐘鏗鉦高下相應縈城帶圃鱗襲霧合何其壯也衣冠僑寓以來蝸爭蟻附侵爲世業橫列萬間佛且餘幾甚者寺田千石擅入一姓蒼頭廬兒犴吠高閣零丁食鉢仰哺而蹴與薄貸而厚責當其時雖把茅蓋佛不可得如是亦幾年矣佛者下於凡民之間以不爭爲業而儒代斥之爲名高官淫用之如贅附孰知好還之故其事烈其言長吾以世外觀人間意天之厭是人也而旣久矣朋黨也而清流清談也而橫議忿消世短事快國亡吾以一寺之區區言之而讀吾記者可以三太息而垂涕矣夫

何分於彼此佛何與於榮衰雖世界起滅因緣受報皆由一念相續幻空空盡彼其不壞者不在此而狂華倒見從斷執常則亦達者之所隱笑耳世之變也有過其舊者有不如其舊者舊有因有改若大中祥符之寺則莫之改也而物有改之者矣蘇明允記其鄉圓覺院慨然有感於楚漢之際曰季布之忠於楚也雖不如陳韓之先覺而比丁公之貳則爲愈夫其記圓覺也而及此爲不切吾取以記大中祥符則然

慈恩寺舊在習溪橋北仁壽山與東山祥符寺接壤南唐保大中名龍興一名發蒙有仁壽塔黃庭堅記宋治平二年乙巳改額慈恩明洪武五年壬子重建嘉靖間知

府何其高遷西街馬草巷內顏曰古壽山以舊寺址建白鷺書院旋廢 國朝順治間僧行証葺新寺

黃記云吉州東山慈恩寺治平皇帝賜名也寺有江南李氏保太中刻石曰龍興寺而高僧傳言仁壽舍利塔在發蒙寺寺三易名其歲月皆失款識其傳曰隋文皇帝方隱約時有異人以舍利一掬遺之曰以此福蒼生因忽不見帝以示僧曇遷置堂中閱數日數有盈縮遷曰吾聞法身過於數量非世智所及此未可量有尼智遷數大言人以爲狂而不信陰謂帝曰象教湮沉一切鬼神皆西兒當父母天下其後周失其牧隋文受命仁壽改元廼詔分舍利三十置浮圖於天下高爽地所至

皆發祥下瑞三年又以所餘舍利五十有三分置五十三州皆選有道行僧調護至其州卜吉地爲浮圖吉州發蒙寺其一也實以西京光明道場僧慧最將命發地八尺得豫章版古甌甃中置銀甕舍利觀者皆震動唐天祐中夜雷雨大晦冥厥明視之浮圖左旋殆且盈尺故基宛然不相函蓋非人力所及靈瑞傳聞崇奉傾數州由天聖以來屢見光景志怪者或過其實而曲士持議以爲無是道彼恢詭譎怪流俗喜傳無以爲有寡見淺聞又裁耳目之外謂之不然故曰夏蟲不信冰霜醯鷄斷無天地彼何足論大方之家故咨攷實錄遺主塔僧師惠以告來者師惠喜事有經論學樂以余言勒之

金石

按東山與仁壽山接壤舊慈恩寺在仁壽山郡人紀述甚明與黃記稱東山慈恩寺互異

隆慶寺在城西二里仁山吳順義中僧冲日築室初名廣福院唐上元元年甲戌置仁山寺宋大中祥符間改隆慶院元符中商孟華創五百羅漢堂蘇軾書榜元豐三年僧慶閑說法寺中見蘇轍記宣和初更名德土院後廢紹興十三年癸亥通判孫霖飭僧新之王庭珪記元季燬壬辰僧維淵仍建隆慶禪寺明洪武二十四年辛未僧孟泰修萬厯間廢 國朝順治十七年庚子資國僧秀重建祖堂康熙二年癸卯守道施閏章清復寺基

僧超震募建

宋黃庭堅轉輪藏記云維物外禪師冲日有道行以江西楊氏順義中築室於廬陵之仁山其道傳故院不廢至於今爲隆慶禪院熙寧乙卯禪師利儼自黃龍慧南道人所來樂仁山而駐錫焉儼器宇重深才智能任事其初舉事緣勸誘人心告以刻華嚴經論版書經費鉅萬人勸其功期月而成儼曰黃龍知見之香可以普薰斯人矣於是安意莊嚴此山卽以其書告衆人曰吾師云五十六億萬歲當有大丈夫來自善足天於龍華菩提木下山轉法輪度諸有緣人稱希有施法佛及僧是爲將來聽法種子其會盟以二月十九日至元豐三年

其日遠近皆會有異僧來乞飯忽不知所在道俗震動
四年六月會者傾江西湖南而僧迦浮圖出光明相照
此會人無不歸心故儼因此會供施轉化多人爲轉輪
經藏木石金碧妙天下之材百工妙天下之手閱二歲
而藏成機發於踵大車左旋人天聖凡東出西沒鬼工
神械耀人心目其費無慮二三萬皆人自勸非機巧智
力所能儼之言蓋如此豫章黃庭堅曰夫一餅一鉢行
若飛鳥而宴坐十年荆棘草萊化爲金碧歲無豐凶施
者常滿門彼非有大才智安能若是因其落成爲之記
文天祥塔火詩云玉塔穿空不可梯劃然霹靂暗招提
四城決破吳胥眼一炷燃成漢卓臍風雨滿山連地捲

鬼神現世覺天低時人子細回頭看萬事悠悠落日西
雪山寺在東門外舊爲東山禪寺隋大業中改今名明天
啟間鄒元標蕭士瑋以寺瀕水遷今所
明劉同升詩云鄰園已復佳鄰寺益喜僻不知何處鐘
泠然共晨夕風雨閉柴門離城忘咫尺杖策行郊垌峰
巒正青惜伊予厭塵氛懶性宜泉石况此舊遊地昔年
無賸客種橘多十畝一望煙霧積往往詩興生不必窮
搜索夜坐一燈幽明朝遲三益

按大業中寇圍吉安僧道信至東山寺告城中禁屠
三日各念摩訶般若波羅密賊懼而退時復患疫令
念經如初六月降雪病遂愈故寺以雪山名

寶龍禪寺在城西南三里西峰舊為藏經院南唐保太六年改寶龍禪寺宋元豐六年癸亥知軍魏綸構三秀亭紹興二十八年戊寅知軍魏安行修有文天祥第一山三大字元末兵燬明洪武三年庚戌重建崇禎間修國朝康熙間建藏經閣守道施閏章書額

明馬猶龍詩云幽蘭香一室老柏翠當門梅蕊經年別燈花昨夜繁清池開白曉新月帶黃昏舊日營巢鳥春來揀樹喧

益州寺在舊甘泉門南一曰西來山宋宣和間應禪師自西蜀來結茅於此明洪武中歸併叢林永樂初僧益州興復正統景泰間僧自修故以益州名

能仁寺在西原山唐止觀降龍道場山旁有清涼軒止觀

泉亭亭改半山為八泉勝處舊有韓熙載撰碑及王贊

記俱失劉辰翁有重修記旁為西原會館左功德寺又

左福田寺

劉記云往時春遊出半蘇堤過鳳山能仁止觀道場在

二園間古木蕭然前塵自消余時過詩人堂下曳履入

寺尋山谷留題徘徊受禪師井塔久之聞塔下泉聲泠

然乃能去後數年過之則荒苔路變變為墓林三門書

扁鐘鼓弗考僧散莫居又二十餘年而德祐初元融堂

冲師拾於衆人之所不取蓬藁處焉余乃避亂禱張祠

識之頽簷之下衣敝履穿賓主不備然空空有意興復

首以記請余甚嘉而壯之爲舉荆公龍興寺記語爲笑
出寺門見斷經幢草間摩娑彷彿認唐咸通字歎興廢
之去來托浮沉於俯仰茫然知復來者之何如而睠焉
圖余以不朽也然自是有城西來者言能仁再造棟宇
日盛衣冠時至讚歎佳勝篇詠不絕惟余想見舊處淒
其如初會去年采菊至林下師坐堂上汲止觀泉煮羅
漢手植茶供余迴廊蜿蜒重簷靜深龍象從容樓閣飛
動憑欄草竹猶有佳色念徃時徵記以爲戲論今而余
諾之有宿責蓋爲之周遭徙倚舉目蒼然彼汪堤與會
園復安知其至此因問師以何佛力建此勝事師曰吾
空鉢入山視諸山歲薄寺又日蹙昔在景祐本公則有

若應真堂化供吾何佛力之有惟是先疇之不腆以誨
潘洋一二居士剖田勸相地靈悔禍侵疆來歸人持葦
嚴選入吾社陵遷谷滿粥熟魚清祠山其頽復創金碧
吾能勤能儉而不能者時時自當爾如雪地麥如山頂
泉善哉乎冲往時士大夫爲縣或始至一郡必曰不可
爲卽小腆如出己力厚秩以邀之峻遷以答之猶有赴
北門而怨南山者而釋氏之徒以攻苦出願力撥亂起
廢寺俛焉若有迫而爲之雖歲增千柱日食萬指亦以
爲吾道蓋是無能名無賞功無盡分也則凡能言者媿
是矣驛傳傾田賦陷貨米積府藏虛徒飛書倚牘攜上
聽市衆援死之日墓有諛史有諛蓋知者以爲民賊而

論者以爲人才吾非厚自毀而等異彼也言之何及將以泄吾心之所甚憤而激來世以所可羞庶幾虛僞省而真實見如冲才使冠巾與人間事吾豈憂殘敝與凋之哉一廢一興必有痛懷千古者而後識吾言之悲也盡大地皆佛心則皆能仁也而儒者以仁爲公爲覺爲愛爲當理而無私心之謂講焉而未已而皆其似也若未有文字之先既有天地之後豈可以一言盡哉既有天地無一物而非仁未有文字無一事而非仁不知全體則質之手足證之一果一核自以爲似而其實愈遠惟佛以不能爲能而吾以無不能爲能以無不能爲能則雖堯舜有所不能矣前所陳者皆能也而未至於無

能也無能者不在是無能者無不能也師於是勞勩七年矣山前後應復者無不復應有者無不有又種松甃古路蟠青翳密位置亭次映帶八泉將復爲禪林勝處而退然不自以爲能事方拳拳然理詩人堂表山谷祠余問師修復至此備矣止觀塔安在師從坐起立目光炯然

崇恩寺在城西彌陀山一名天華院鐘文書寶安寺吳赤烏間有轉囉尊者攜西域寶鏡來此故以寶安名宋景祐間僧智洪修元德祐間燬國朝康熙五年丙午僧竺堂重修尚書帥顏保記

詳縣志

宋彭舉詩云紺殿肇何年古雅足幽賞嵌空結寶蓋玲

瓏如綺幌誠哉運斤手巍然閱今曩丹碧浮霄漢斑剝
亦蒼莽境界半村郭清淨絕塵壤諦聽萬籟寂時聞松
風響盛夏此中憩納爽思解網聊以歷三帀情想爲一
盪 國朝范圍中詩云一雨霽明陰晴光起天末空林
隱餘霞殘陽漸開豁郭外通祇園石路綠苔滑恭禮大
法王身心如見奪一言提正覺聰明盡遺脫衣履肅威
儀神光照器鉢人天齊頌首道力微宏濶大智振羣迷
天地共明達歸途得新句精神遂超越爽氣散煙嵐樹
杪鐘聲發舉頭忽情移朗朗空中月
鐵佛寺在鐵佛橋畔有鐵佛三尊唐時造 國朝順治三
年丙戌燬於兵九年壬辰僧危言重建

報恩講寺在城東南舊名報恩禪寺宋崇寧間名萬壽政
和間名廣孝紹興間名光孝元初改今額明洪武三年
庚戌重建今廢

景德寺在香城山郡城隍廟右唐時建明永樂間新之趙

爾圻記

詳縣志

法雲寺在江東對圻中有塔

明劉鴻詩云滿眼西風落帽時偶來梵閣寄遐思山中
有佛誰相契世上何人我共期梧葉儘留題後墨曇花
原是句前詩碧紗紅袖皆如夢且把茱萸過菊籬

招義寺距城西北百步舊名北菴道坵吳紫雲建有墓在
其下

金牛寺在城南江濱建置無考寺前卽金牛井舊傳有五言絕

句

詩云維舟綠楊岼來登梵王閣休說雪山牛當知古城
鶴

南塔寺在水府廟之南有塔塔頂以赤烏記年宋蘇軾黃
庭堅有詩

黃詩云爐煙茗盞暫來同寒日鴉啼柿葉風萬事盡歸
杯酒裏百年都在大槐中 蘇詩云城南鐘鼓鬪清新
端為投荒洗障塵總是鑑空堂上客誰為寂照堂鏡中
人紅英掃地風驚曉綠葉成林雨洗春記取明年作寒
食杏花會與此為隣 陳嘉謨詩云塔出萬家煙迢迢

俯大川江光低應鳥磴道上盤天竹暗讀書處山明落
照前堪憐蒼蘚合狗記赤烏年

淨居寺在水東十五里青原山中舊名安隱為唐行思道
場景龍三年己酉建蘭若天寶十年辛卯為寺會昌間
廢大中五年辛未重建宋治平三年丙午賜額安隱寺

崇寧三年勅賜淨居禪寺元末兵燬明洪武九年丙辰
僧師鞏復修二十五年為叢林嘉靖間紳士創會館
學寺旁萬歷末遣會館於山之陽還其故地 國朝順

治康熙間眉菴笑峰藥地相繼住持寺內多古蹟唐紀
事有段成式碑北宋紀事有蔣之奇碑曹能始名勝志
青原有天寧六年碑又在段成式前山寺規制入寺門

言安石志 卷五十九
九楹兩廊二十四楹池中爲大雄殿三橋拱之後爲毘
盧閣藏親王賜經又後爲七祖歸真塔唐開元勅建明
王守仁手書曹溪宗派額之塔旁有荆樹卽行思倒插
黃荆黃輝題曰法蔭人天旁基爲元宋長者榮甫祠法
蔭堂在毘盧閣右歸雲閣左藥地愚者建方丈在殿左
寺基左山脊爲五笑亭亭稍下一坡臨龍潭爲釣臺寺
南數十武爲凝翠亭守道趙進美新之翠亭上有晚對
軒知縣于藻建今廢臨澗閣唐刺史韓衢建曼殊閣雷
泉亭洗耳亭唐刺史李彤建印水磯茅亭唐刺史張勗
建水閣刺史韋悅建徘徊亭百花亭刺史謝良弼建寢
堂元僧定休建善心堂元元鑑建蒙堂元師聖

建歸雲閣詹荀軒胡瑜書額今皆廢翠屏山之陽有五

賢祠

詳見山川學
校古蹟等志

按通志所載青原山唐宋墨蹟三寶悉照藥地山志
編次有魯公文節信國之書而於李忠定公綱石刻
猶軼今按魯公題石已亡祖關二字易爲木坊係施
愚山摹刻黃文節詩碑八版分嵌殿壁缺末一石亦
施愚山摹補信國青原山三大字舊在紅亭今如故
惟紹興壬子李忠定公宣撫荆廣取道廬陵飯僧青
原詩字與顏黃竝美至康熙丁巳吳舫翁始得之廣
陵汪舟次時郡人竹菴楊霖爲太平郡守卽摹本鐫
四十一石送歸青原僧大權嵌之齋堂壁間而後四

美具矣雍正間謝志失載今補正

周必大遊記云隆興元年十月戊午朔丙寅遊青原山
淨居寺七祖大師行思道場也自永和鎮渡江行六七
里岡巒環擁逼山門方見瓦屋其寺頗迫窄塔在山之
巔躡階上下塔左有三泉號卓錫虎跑雷震顏魯公題
及元豐六年黃魯直二詩竝刻泉側飯罷南過釣臺面
對大山下臨清溪氣象幽深可以隱居溪淺而源遠其
支流循寺而出唐大中五年四月前刺史段成式寺記
云景龍三年爲蘭若天寶十載爲寺所載亭臺頗多今
皆不可攷成式文務竒澀或不能句午後由小徑過龍

度院

卽今之龍集寺也

慙山德清重興七祖道場序云佛法

托之像教禪道寄之祖庭故瞻梵刹而三寶現前指道
場而慧燈發燄蓋由道假人宏事因理顯是以諸祖法
窟之不可泯者若人身之血脈不可一息間任道君子
可不爲之動心哉惟禪宗始鼻祖西來直指最上一乘
令人當下成佛此道六傳於曹溪而青原南嶽爲的骨
之子兩人執幟大盛於江西湖南其下五燈分燄皆以
二老爲燧人此道昭昭如中天日月千百年來闇然而
愈章者知茲山爲人心世道之所最重予少年曾禮七
祖見其僧皆俗物寺委荒榛唯諸賢祠宇尊祀其中時
則慨然嘆曰諸天奉佛諸賢事天然各尊其道理或宜
然恐神有所未妥也徘徊而去間嘗與紫柏禪師言之

謂禪宗寥落必源頭壅塞當同疏之師大以爲然師先
候予於匡山及乙未予年五十以宏法致譴放於嶺外
因得力濬曹溪之源以爲禪道重興之兆辛苦八年而
祖庭始開功雖未圓而中興之機已見辛亥秋日安福
鄒匡明子尹氏發心重整青原持鄒給諫公書爲先談
且云子尹爲七祖忠臣予聞之躍然乃先囑其安神祠
爲第一義是時因緣未遇遂寢之越癸丑予遂之南嶽
踐曾金簡儀部約欲振之力未能也丙辰予弔紫柏有
吳越之行至雙徑見禪道大振參究者衆予嘆曰此曹
溪一派重衍也丁巳夏歸匡山作休老計見東林蓮社
重開石門禪期已結予大歡喜不三日而給諫鄒公書

亦至云大修青原莫得一指點之蓋子尹之夙心述予
之本願先妥其祠得劉晉卿張壽長首爲檀度郭陵寫
願成主佛子乃浩然嘆曰六祖有言樹高千丈葉落歸
根然禪道自曹溪一脈始於青原而傳燈諸祖至中峰
之後漸微我國初不多見矣今二百餘年予自濬曹溪
不數年而此道復振於越之天目雙徑之間今且引歸
匡山石門適青原大興千年之後復見今日豈非應葉
落歸根之讖哉惟昔盛時莫盛西江馬祖今也重振再
見於青原是知道運旋轉與造化同流信夫意者將來
八十一人同馬駒之下是有望於今日斯役也檀度之
功任之者衆不俟予言故特述禪道隆替之由以告諸

同志不在莊嚴佛土而在光輝佛日以助堯天舜日期
與斯民共享無爲之化也又豈可以尋常建一刹創一
宇爲佛事者同日而語耶 國朝施閏章毘盧閣記云
浮圖之言禪者本曹溪言曹溪之宗者首青原蓋七祖
實紹曹溪而青原其手闢地也自唐以來興替世相嬗
最盛者稱笑峯大然師先是明萬歷間立禪寂公爲名
公卿於尊禮時姚江之門人歲聚講學輻輳僧寺寂公
謂儒佛不可恩祖庭不可荒於是鄒南臯郭青螺劉孝
則諸君子議別建五賢祠及會館而以寺還僧恢擴棟
宇崇墉廣殿爰有毘盧佛閣之役會力絀中罷寂公舍
去又三十餘年矣公至乃落成笑公起進士歷官曹郎

被讒在獄七年日端居學易旁通楞嚴南華諸經視生
死患難如浮雲酉戌間爲僧受具戒於雲居顓公又從
天界浪公受禪定久之盡得其學其來青原也天界固
屬之乃尸教事規制肅備公謂是閣歸然爲寺冠卽不
成如祖庭何吾當了此歸天界耳又愍豫章窮瘠募靖
南藩府金數千鳩工一時野樵田父踴躍奔赴雷動山
湧功逸而事舉會聞天界浪公訃遽東下不久亦化去
矣閣始於戊午成於戊戌殆天定哉公嘗愛顏魯公所
書祖關字謂五賢祠館旣立宜分樹二坊曰聖域祖關
予至吉則坊之完公志也吾聞曹溪之學以理事兼融
智行竝懋爲長笑公冥搜力行禪坐之餘手不輟筆著

言安所云 卷五十一
熄邪正宗諸書又習勞與衆同役不私一箸其教人不
專執浮圖說隨其高下立中道引之故出處之士皆樂
聞其言往來徒衆嘗千餘人用能闡浪公之傳以振七
祖之緒而青原爲再盛公旣去命其徒興樹守之今藥
地宏智又同公受學天界者也總貫會通爰集其成而
青原至是爲極盛也言一社創荆子木猶於今其旁
駢生新枝僉以爲異徵云然則一閣無足多而笑公所
造於青原功甚大藥公爲置衣鉢塔且見屬以閣記予
儒者不深悉佛書然二公故皆以儒爲禪藥公又與予
善礮石逾歲不可以辭且作頌曰 道以器行數以象
顯顯晦因時得人斯闡於維青原巖壑奧衍七祖植根
道場用選歷千餘祀荆倒不枯非有龍象云誰之扶寂
公守緒再拓其隅有偉笑公紹祖是圖探幽獨朗執行
若愚高卑雨化頑慧風趨冠山作閣堂構以崇孰云觀
美法象昭融力不告勞成不尸功竭來儵逝何始何終
藥公接踵有源則同磨巖命辭式表洞宗高山邃谷留
耀無窮

宋黃庭堅次周元翁詩云市聲固在耳一源謝塵埃乳
竇響鐘磬翠峰麗昭回俯看行磨蟻車馬度城隈水猶
曹溪味山自思公開浮屠湧金碧廣廈構瓌材蟬蛻三
百年至今猿鳥哀祖印平如水有句非險崖心花照十
方初不落梯階我來暝託宿夜雨滴華棖殘僧四五輩

法筵嘆塵埋石頭麟一角道價直九垓廬陵米貴賤傳
與後人猜曉躋上方上秋勝亂其芟蓮子委箭鏃葵花
灰金杯寒藤上老木龍蛇委筋骸魯公大字石筆勢欲
傾摧德人曩來遊頗有嘉客陪憶當擁旌旗千騎相排
逐且復歌舞隨絲竹寫繁哇事如飛鴻去名與南斗偕
松風吟高邱何時更能來回首翠微合于役王事催猿
鶴一日雅重來尚徘徊 又詩云洗鉢尋思去論詩匡
鼎來鴟窺錫處井魚泳釣時臺垂足收親子存身歷劫
灰僧雛守金鑰一爲道人開 至人來有會吾道本無
家閱世魚行水遺書鳥印沙齋盃香佛飯法席雨天花
時有清談勝還同歎永嘉 王庭珪詩云異時黃魯直

嘗賦青原詩至今青原山名與星斗垂自從有宇宙孰
能磨滅之昨日從大旆上讀前人碑欲學下一語自覺
落筆遲我等如斯輩後世誰復知紫微千載人治中同
一時兩公俱大手妙語仍崛奇得句未肯吐神物慳護
持光艷出月脅當留照巖扉 佛屋深蟠七祖山魯公
奇字刻孱顏能來把釣溪臺上安用賦詩戎馬間薄宦
不知何處好浮生纔得此時閑夕陽渡口人爭渡又趨
城頭暮鼓還 李綱詩云山空松桂香殿閣森回環三
泉湛寒玉洗我襟抱煩况與二三子杖屨同躋攀笑觀
顏黃碑筆勢驚飛騫昔也有高士妙指窮元關心花五
葉開法炬千燈傳當時尋思人一見心不瀾至今三百

載水碧山蒼然嗟我愛山水所至必縱觀聊於戎馬際
偷此半日閑適野慕稗謀命駕希謝安規模寂寞濱折
衝談笑間矧茲湖湘盜鈎鋤本元元弄兵潢池中豈足
勞戈鋌願宣天子德往使疲瘵歡龔遂理渤海營平破
先零威靈及襄漢恢復從荆蠻國恩粗可報乞身返田
園持此問祖師神交當解頰 文天祥詩云鐘魚閒日
月竹樹老風 一逕溪流滿四山天影圓無言都是趣
有想便成緣夢破啼猿雨開元六百年 空庭橫蟬竦
斷碣偃龍蛇活火參禪筍清泉透佛茶晚鐘何處雨春
水滿城花夜影燈前客江西七祖家 彭舉詩云攬勝
樓真處山窮境忽開碧澄丹壑水青疊翠屏苔嶺樹宜

高下溪流當去來聲光畫不得臨此但低徊 元李祁
詩穆穆白髮舊儒臣幾見江南物候新問訊枉煩林下
士變衰祇似夢中人隔簾聽雨嘗經久倚戶看山不厭
頻更欲就依禪榻伴爐烟終日澹網緼 明王沂詩云
躡雲來駐錫拓地此安禪會讀傳燈錄因參不二天松
陰山四合雲影塔孤懸消歇同人世憑軒思惘然 劉
崧詩云聞說淨居寺蓮花峰最奇幾年增悵望何日是
來時曉刹蟠丹壁春泉注玉墀塔前荆樹好應長向南
枝 王守仁次山谷韻詩云咨觀歷州郡驅馳倦風埃
名山特乘暇林壑盤縈回雲石綠欹逕夏木深層隈仰
窮嵐霏際始睹臺殿開衣傳西竺舊構遺唐宋材松風

溪溜急湍響空山哀妙香隱元洞僧屋懸窮崖扳衣儼
龍象陟降臨緯階飛泉瀉靈竇曲檻連雲榭我來慨遺
迹勝事多湮埋邈矣西方教流傳遍中垓如何皇極化
反使吾人猜剝陽幸未絕生意存枯茲傷心眼底事莫
負生前杯煙霞有本性山水乞歸骸崎嶇羊腸坂車輪
幾傾摧踈散麋鹿伴澗谷終追陪恬愉返真澹闕寂辭
喧虺至樂發天籟絲竹謝淫哇千古自同調豈必時代
脩珍重二三子茲遊非偶來且從山叟宿勿受役夫催
東峯上煙月夜景方徘徊 鄒守益次前韻詩云道人
愛邱壑仙標絕氛埃平原與文山大字猶昭回炯然忠
義氣相照煙霞隈我行躡飛舄雲關恍洞開深林却炎

威中有開元材版橋噴玉虹峽東湍聲哀掃石玩急流
捫蘿瞰崇崖冠敬穿篁篠步滑綠松階散目憩層樓劫
火失雕榱金剛有壞滅矧復嘆沉埋稍喜年初熟禾或
擁田垓翻思在軍中梟狼正相猜祝融似幸禍淫毒枯
陳茲今日胡不樂勝境款清杯冲情齊寵辱達觀忘形
骸由來青蚪駕羊腸豈易摧逝將精瓊麤杖几終參陪
朝攬廬峯秀夕泛海濤虺哿矣東山墩不離歌舞哇懷
哉醒心亭幸以文詞偕皇極平如砥車馬誰往來迷復
亦已遠况乃歲月催步趨追逸響征軸敢遲徊 羅洪
先詩云入谷尋源久未逢空花落盡欲誰從憑欄此日
看秋水隔院何人扣暮鐘衰壯自憐身是幻將迎不爲

病方慵點睛且就閒來手敢道長廊少畫龍 曾乾亨

詩云風塵無那白雲居十載重來一夢餘當日摩尼還

自烟別時祇樹半扶疎空山法向環中定清漏聲傳谷

裏虛回首舊遊成獨往坐憑猿語話真如 郭子章詩

云倒荆涵翠拂青旻講席何緣接笑頰歌鳥正嬌開社

處蹊桃如絢武陵春清流一派疑窺膽細語三乘似現

身芳草已從行部綠惠風洋溢鷺江濱 劉同升贈慙

山詩云君詩在筴三年字粵海重封萬里書南去栽松

人是否西來渡葦意何如雲修鴈字成遺教珠擊傳衣

到草廬耆舊蕭條堪下淚誰從高座析鄰虛 國朝施

閏章詩云雨中峯更綠幽徑滿苔痕溪水過林麓山雲

出寺門峻嶒飛塔古空翠一亭存不用持杯酒僧厨飯

蕨根 樵接層峯峻臺迴細路斜石林封舊雪巖竇散

陰霞清影時看竹疎香不辨花過橋三笑處暝色噪歸

鴉 李元鼎和笑峰詩云秋風落葉下晴空坐對東湖

似釣翁鴻爪微留聲自遠蛾眉久謝畫徒工誰云緇素

情偏異我覺英雄見畧同為憶翠屏山下路相從杖履

意何窮 張貞生詩云知音人許到絲竹半泉鳴花木

塵中老溪山物外清訪僧須諱酒登塔最宜晴勘破千

金鉢何嘗費力擎 魏禧詩云江上秋日佳舍舟還登

陸七里到青原清風引盤谷遙望宮嗟峨參差出林木

文山與魯公入門景遺躅歎息閱人多千載此屬目師

廬陵寺觀

聞躡履迎一笑寫幽獨香積傳白粲饑來果其腹共惜
 年時豐處處多嘉穀輟箸行秋山靚女初出浴空翠四
 面來十步成九曲最愛晚對軒斜日上高竹白石身嶙
 峴寒水濯其足佳哉冷泉亭頗似十五六只此朝夕看
 足資幽人福藉草話海潭鬚眉朗可掬開我天人理儕
 伏如轉軸明日扁舟行江風何太速 知府鄭嶧五笑
 亭詩云五笑何人笑亭名自昔垂一身閒屢到兩載位
 頻移僻地常招我前賢未識誰開來與繼往獨羨爾能
 為 知府盧崧詩云祖關高射魯公顏磴轉溪迴雲樹
 間月偃遙吞三疊水天圓環入四圍山淨居望去心先
 淨閒日遊來意更閒傳語僧徒休置酒淵明到此自忘

還

按五笑亭山志稱徐俯建明萬厯間初承業修天啟
 間張鳴鶚重修永新何氏又尚集及尹氏司馬實錄
 中備載萬厯間永新尹願所倡葺偕郡守張司理劉
 別駕胡鄉先輩甘宴焉因名五笑後郡守鄭嶧詩蓋
 指尹事也應竝存之以備攷

青又菴在青又山距淨居寺五里一名青幽菴基枕青原
 夾出山谷間綿邈不盡故名

藥地愚者青又記云由水碓而入青又菴凡五里許溪
 之源三一出千佛樓一出謝坪青又菴其一也縈澗而
 行澗岸類皆漸崑膠葛故右窳則渡澗而左左窳則渡

澗而右凡二十餘渡渡皆石步足不得停水行石間斷
冰雪驅雷霆人不能語語不能聞紅塵之囂至此盡矣
其淵渟爲渚少行爲潭清淺之流分沙漏磧魚掛空中
人影湛然草茵石枕隨處可歇此青又菴之大概也七
祖塔後爲桃樹牛尾山其下爲長潭烏泥坑當其面石
從北起磊砢崩削而浸趾潭中是曰釣臺黃魯直曰似
漁非世漁愚者欲架離鉤軒以臨之似不似奚計焉竝
長潭爲漫山隄其陁古墓芊芊不知何人也過渡爲滴
水巖虎巖雞山鷓山相峙錯立遂入長坑兩崖如峽天
爲之小鳥道逶迤白雲生焉其兀然鐵壁障日者飛雲
石也其踞而回首者香象崖也其在山半獨出者鱗角

石也又轉數曲爲漱青峽溪之中有方石如棋盤笑公
常坐此終日是爲中頓少息奮臂再折而入萃然石巘
蒸蔚其上土人呼爲觀音坐蓮從後陟其巔形適肖之
其下陡峭不可攀援一水自左來則千佛樓之流也參
差數百步一水自右來則謝坪之流也由此數轉爲石
樓丹梯梯之下兩崖如闕號曰關門蹬而上忽開平田
禾黍瓜瓞彷彿桃源却無人家獨前阿茶叢之中垂瓦
兩下是所爲青又菴千峰青又青殆取此乎行者烹所
采茶正不必北苑峴法也飯後經大小菽厯觀茶圃皆
笑老人所經畫前人種之後人享之後人當如何田有
膠而半荒深山多野獸惟種茶與薑晝夜守田良苦設

機驚之久亦畫餅矣過岡爲千佛樓之頂其麓開陽數
百丈樓毀多年其腋有茅房將以興作也千佛之肩爲
定慧菴其背爲嵯菴菴之谷口有荆隴洞可容百人破
廟塞之越嶲爲鳩嶺道士剗則主山之龍脊也稍偏爲
窰坑外爲浮山卽古蓮社地劉須溪所記江相國之臯
歌應在此處今結寂公塢子孫守之他日從龍集訪資
福五峯竝路遊焉可也遂衝棘而下循流而出會於謝
坪之谷謝坪安可不至躡而登焉山上有山圍之中坦
如掌舊有堂基今皆榛蕪其墳如者土人傳爲文山之
祖塋求碑記不可得此地外襟大江內案隱抱或在斯
乎其陰有崖巉然而突吾望崖返矣南有徑達張家渡

六仙所出北下爲泥灣村雞江嶺渡永和冬涸石骨
於河塢周益公所稱不虛宜永和之五傑至今瞻仰也
遊青原者舍舟登岸於此愚者爲建一亭前軒後室顏
之曰青原岸云是遊也先盡幽隱後得平曠或者猶述
龍湫三疊之瀑浮渡林屋之洞意將以軒輕乎愚者曰
天地間各適成其天然之致原不以夷險大小角爭也
知此者可與遊矣 國朝施閏章遊青又記云枕青原
而夾出於山谷者爲青又予聞之藥公以其山緬邈不
盡故名土人相傳或謂之青幽云境杳邃畧似武林九
溪十八澗自五笑亭而左穿山腋側下窅然以深左右
詰曲綠澗行落葉在林履聲颯然與諸子登釣臺水清

石峭顧而樂之前二里得飛雲石礪砢仄壘望之若垂天之雲又涉礪數重大石橫出徑隘甚從人私語曰盍鑿諸予笑謂山靈所留以拒車馬客也逕再折層崖峻峽石駭水飛奔雷曳練藥公名之曰漱青客皆選石列坐聆翫淹留委情棲寄自青原寺至此可五里委蛇復嶂中其進若阻其往若迴惟一縷泉聲淙淙隨人不絕山中草木蒼翠如早春將至一僧舍寒香發林則山梅已華矣延目前峰遙青無際景反而歸途旣半坐谿中盤石與藥公論生死鬼神事良久又言此山之陽十里爲天玉山上有瀑布從飛雲石畔一峽橫入舊有千佛樓皆山榛隰苓矣山之幽固不可勝窮也同遊五人

刻石紀姓氏康熙乙巳季冬之六日

施閏章遊青又菴詩云晴冬風日好乘興恣攀躋嵐氣盈襟袖泉聲逐杖藜天圍一握小峰截片雲低暗穴熊留館荒陂虎印泥釣臺邀客坐石壁待誰題置屋綠茶圃分流潤麥畦野梅寒早發谷鳥臘先啼白飯烹葵羹青林采藥迷惠莊心共遠支許手同攜不盡青青色重看萬嶺西藥地智青又菴南新得懸泉詩云冬壑如春雨青林白浪奔筆先垂瀑布斧已劈雷門王漏飄紗幔巖廊洒墨痕數千年今日山水自知恩何永紹青又菴詩云一徑青林合蒼山萬樹低苔花蝕乳竇柘刺挂輪蹄路轉逢僧語詩成掃石題白雲飛不盡歸擁數

峰西

龍慶寺宋周必大呼龍慶寺在河東倚大雲山列青原之
 右由待月橋過坳嶺至寺唐時僧言師建元至正間僧
 元鑑修明洪武二年己酉僧了智重建正統九年甲子
 僧惠滿修太常卿程南雲書碑禪堂有經歸藏龍歸海
 雲在天水在瓶之聯羅洪先書 國朝康熙七年戊申
 僧天如復修

僧方師詩云雨剪春風密客心似轉蓬梅殘疎野白雲
 急亂晴空古寺危垣護荒山曲徑通我懷淹木盡相話
 地爐紅

智度寺在崇壽山唐天復元年辛酉建宋大中祥符間賜
 額智度僧如寶貞邃隱此周必大休官歸與胡銓往來
 游咏其間明蕭咸隱披緇青原號古度

元安福劉聞遊寺詩云扁舟共溯春江綠汀草萋萋幽
 意足雲搖晴碧漾茶甌日眩瓶花映棋局轉篙回望讀
 書臺却憶前修安在哉狂歌奮搥鳴石鼓為君行酒勸
 金罍

方廣寺在水東華蓋山三里居青原紅亭背其麓有香慧
 菴寺創於唐宋周必大所記過方廣者即此

明郭子章詩云別來高卧白雲深蘭氣猶然祗樹林夢
 入庾樓饒桂醕歌傳郢雪響松陰遺民悟得無生訣郭
 泰空懷有道心勝會青原正此日憐余百理想徽音

五峯菴在浮山北資福南僧好木澗林建好木為石雨老人子栖隱於此藥地愚者篆五峰二字送之

礎菴在小三疊右僧無礙建以種茶藥地題順徑下里許有荆隴洞旁過峴為定慧菴

回龍菴在鹿苑宋周必大有贈回龍海慧詩近青原州渡東昌本師題曰招干橫衍陂陀為南橋菴青原溪水所

出

西度菴在茶菴南舊名洞元觀蕭九牧鼎全家學道處人稱襄藏者是營岡夏里而下有古城菴與神岡相對元時宋長者草洲施青原田即在玉原里

金竹菴取黃金間碧玉意以地生葦竹節幹黃文相間故名舊為真常觀劉真人居之懶窩從之遊得其醫訣

六祖菴在西華山山頂與青又菴相接因六祖曾遊此故名內有風幡一過四擘窠書藏御賜般若經青紙泥銀

書為元趙孟頫筆其下亦名回龍菴係張渡下沙又有碧林菴在大樟廟右舊傳孝子康昕讀書處僧古帆修

又有水月菴明萬曆時建遠塵菴在朱陵觀之東有獅岬廊屋嵌之其下為白竺寺

舊傳顏伯瑋讀書處唐顏真卿謫廬陵時顏翎家於此伯瑋其後也又小金城寺在花原有石倚而平即孝子

王大臨醉石大臨父被盜號泣請代盜釋之晚號醉軒蓮菴在浮山寂公之徒建天璽主之菴後石壁溜如薄紗

曰涼繖石瓦窰在其阪過此為寶壽寺唐時建

崇福寺即古蓮社菴入密炤師居之洞雲巖在焉又有靈

源寺在尹園方山虎溪即劉辰翁招江萬里處自黃原至此實

青原天嶽之一周

五印菴白雲菴鳩盤菴皆在太歲山坪下依山名就嶺斷

臂老宿居之從此越峴即入石礮瀑布谷瀑懸兩崖之

壁壁削如鐵如垂天紳水濺潭中其聲如雷胡靖錢幹

稱為奇觀壁題青原白練白鳩盤菴西行五里出慈濟

菴劉辰翁云戒岡五世善醫嘉定賜號慈濟大師又二

里至清風寺寺側有慈慧菴江干渡即梅林此皆青原一障之陂

陞

按寺名或曰菴曰院總之皆禪刹耳青原山以淨居

寺為道場其山迴伏綿亘界廬陵吉水間下接天嶽

皆是故凡菴院之在此山者悉依類附見不以名之

小岐地之間連吉水為嫌其無與於此山者仍照原

志編列

智覺寺在第七都星峰山赤烏已未罽羅尊者卓錫地始

建開塘得異石上有大士像金文透入石背事聞於朝

遣使取觀鋸半以進 國朝順治丙戌僧懷嵩修

明劉日升題畧云智覺禪林所從來遠矣肇自孫吳之

世相傳赤烏之年爰及千秋三身競爽迨於五季雙教

更題至南宋而勅賜今名入明朝而猶仍故號青苔片

石畧識興廢之由靈鷲鐘文尚存創建之舊

寧國寺在城南甘泉門之上寺多古樹額曰進貢山寺歲以茶貢山實不種茶

明馬猶龍詩云雪深林際寺蕭瑟動寒松言尋上萬侶頗諧塵外蹤暝煙銷霧薄履跡破苔封野園鳥雀亂行人曠未逢茫茫壠草白隱映天外峰林薄風彌靜夜肅霜華濃忘言永今夕僧起扣寒鐘

靈泉寺在郡城北十里螺子山舊有靈泉院院肇於晉昇平元年山有井泉甘冽廬山遠公挂錫於此絕愛此泉寺以是名 國朝順治三年丙戌燬康熙三年甲辰僧海玉重建構藥師堂香積廚

歐陽守道記云環廬陵十里佛寺萃於西南而東北特少出東門循江右達於吉水巋然一螺山靈泉寺爾佛寺相望或以爲民蠹至於相去絕遠則有山也無與養茂林有泉也無與疏清流山瘠於樵牧水污於畝澮而一憩之陰一勺之甘有不可得况望登臨游賞供耳目之清致哉然則佛寺間見於村墟煙火之外亦好事者之所快也螺山寺山宛委如螺掘地不盈尺輒得金螺無數大僅如珠而形奪真其南有井深不盈尺清潔甘寒冬夏不竭泉旁有塔塔旁有寺是謂靈泉創自東晉昇平間昇平者東晉穆帝之末年也元年歲在丁巳五年年止自元年至今寶祐四年丙辰得十四丁巳蓋九

百年基址如故天壤間如此者幾何夫占山水之勝極棟宇之麗非不盛稱一時頃之必有爭奪有爭奪斯有存亡有存亡斯有感慨惟此梵宮僧舍遠托煙霞不與朝市作緣故人世亦遂與之相忘是蓋取於不爭之地故能歷千百年如一晨夕也

西臺寺在城南十里翠峰山寺有宿雲亭藏經閣

善餘寺在慶源山唐建明永樂後屢修

大鵬寺在二十都建自後唐明季蕭司馬復建勅賜額

靖化寺在縣左有哦松書院劉舒庵讀書處也明崇禎九

年丙子後裔敬亭修劉士禎記

失載

覺報寺在東門外三里宋時賜額明萬曆間僧寂從閩中

來此結大覺菴

本覺寺在上市南有塔唐開元時建

慧燈寺

一作院

在永和鎮舊名三教唐天復二年壬戌僧灝

開基元延祐間僧嗣修明洪武元年戊申僧德泰重修

永古寺與鐵佛寺近在永古巷 國朝康熙六年丁未僧

定如重建

明劉崧詩云蓮花池上月如霜金地無塵夕景涼海藏暗浮龍影動露盤微注鶴聲長雲栖梵鉢留僧供風隱銖衣護佛香一夜不眠聽說法雨花撩亂滿禪牀

金地寺在四十八都桐山王該故宅吳義順元年有龍見陂田間會異僧至指曰是將為佛寺公宜遠去該聽之

至南唐保太中龍復見金柯遂爲龍田寺後更今名
再興寺在十四都平陂唐會昌間僧會明開基元季兵燹
明洪武三年庚戌僧無盡修

常田寺在四十五都唐時建宋治平間僧慧遠修明洪武
七年甲寅僧度祥再建

崇先寺在淳化鄉距文山祠一里許祠燬迎丞相像祀寺
中未幾復建祠

明劉崧過寺拜信國公像詩云丞相祠堂野燒空猶存
遺像寄禪宮弟兄豈計安危異孫子終懷祭祀同黃葉
斷垣烏繞樹綠蕪深院馬嘶風可憐華表歸來恨城市
纍纍落日中

天賜寺在七十七都唐儀鳳間僧友雲建元季兵燬明洪
武三年庚戌僧永壽重建

永寧寺在十七都古塘橋唐會昌間僧友雲建元季兵燬
明洪武三年庚戌僧崇德重建

大德寺在一都教場後唐開元間僧祖真建號寂照山元
僧淨觀重修明洪武五年壬子僧竹漢又修塔存

永樂寺在四十九都葛田唐天祐間僧日成建明洪武五
年壬子僧泰登重興 國朝順治間僧知林建大士閣

靈巖寺在五十一都瑞慶山唐天寶間建明洪武三年庚
戌僧德安重興曹睿記崇禎初里人郭培慤張在田葺

曹記
失載

永興寺在安平鄉唐貞觀初為康國師勅建康善醫太宗
徵康至疾愈而喜授官不就歸隱本寺賜紫衣有御製
碑宋有僧元徽亦辟於朝疏請更寺基未許明年賜名
長燈山號宏濟法師慶歷中進士李鑑記其事記失
宋周必大詩云偶為尋山過野橋主人攜酒漫相招從
來古寺雲猶濕迷澗豐碑護昔朝 劉辰翁雙羅漢樹
詩云勝遊重過日雙鬢已加秋古樹連雲幹蒼枝傍日
浮陰垂先代影僧似六朝幽翠蘚橫鋪地相貪竟日留
王訓詩云古寺苔荒曲徑斜江村半是夕陽遮紫衣
試問當年貴曾話蒲團老宿家 明解縉詩云斷碣龍
蛇不記年蒼松老幹欲參天扣門野衲頻相識笑語西

來一字禪

多寶寺在十二都唐會昌間僧虛白建宋咸淳間僧謙師
重建明洪武十年丁巳僧興道復建

石林寺在夏徑唐大歷間建 國朝順治十五年戊戌葉
昭等延僧印重興康熙十五年丙辰僧美住持仝嗣曹

洞寧州僧瑩俱有語錄

因果寺在儒林鄉吳楊氏時有僧元感來自浙江卜築其
地明洪武十七年甲子僧永寧重建 國朝順治四年

丁亥僧洞微新之內有挹秀亭樂山亭元至元六年總

管府推官劉時懋記失

聳福寺在永福鄉娑羅山唐會昌中建明永樂正統間先

後重修

義果寺在桐樹坪明末廢 國朝順治九年壬辰僧德娘

重建初寺無水僧潔菴拜華嚴經求之泉沸出名觀音

泉一名華嚴井

奉聖寺梁天監元年癸未勅建居女尼宋高宗建炎元年

丁未改題國慶山元明間始改住男僧分四寮 國朝

康熙間重修

乾明寺在城南

瀉仰寺在西門外

萬壽寺在北門外

蔣山寺在永陽

福居寺在江東

福壽寺在永和

羅山寺在西峰

珠琳寺在瑞華山

東源寺在真君山

濠源寺高峰寺竝在儒行鄉

延福寺在坊廓鄉

南禪寺在淳化鄉

興善寺在二都

法忍寺在十三都

祇陀寺在十八都

空相寺在二十都

迎福寺在二十三都

興明寺在二十五都

北興寺在二十七都

吉祥寺在四十一都

福田寺在四十二都

廣福寺在六十三都

按此外尚有七十餘寺詳縣志

二水菴在二十三都安唐古江橋畔二水匯流中有擎石

旁有元義勇馬合穆公生祠周霆震記失載

按丙戌之變義士蕭士驥尹登士貫士豹士鰈士璣

士森士淑觀遠靖遠儀遠等請勦有功從祀於此
月上菴在城西小簷下橋明初建有古柏一株 國朝康
熙六十年辛丑水圯柏枯數年里人劉余覺倡修落成
日柏復榮結花如桂

廣度菴在螺湖橋康熙十六年丁巳謝純我修復橋梁買
地創菴置田糧二石膳僧施茶

寶月菴在嘉禾門外郡厲壇側明萬曆時建

大覺菴在東門外舊稱覺報寺宋時勅建一云周必大別
墅明萬曆四十年壬子僧寂卓立小菴丙辰建

明賀世封詩云煙霞片片護雙門穿市笙歌過別村對
岬鷺峯分日月截江螺髻作崑崙風知鳴磬堂前意雲

畫歸帆渡口痕獨怪梵音朝碧漢翛然立處見天恩

清泉菴在西門外下塘白燕山舊址爲唐宋漏澤園明洪
武二年己酉改地藏院萬曆二十四年丙申鄒德溥題
曰清泉蘭若

明馬猶龍詩云密地深藏寺祇疑路不通閒花開數萼
高竹種將叢樹影能消月天香不受風夜闌渾不寐閒
坐量虛空 僧憨山詩云維舟螺水上一訪社中人白
燕開蘭若清泉遠市塵齋擎香積飯坐列法王臣况復
逢長至陽回大地春

寄雲菴在南甘泉門順治三年丙戌燬辛丑僧石如葺
芥菴在西門內舊爲曲水園有放生池荷田十五畝

大士菴在北門內明崇禎初僧客生建 國朝康熙五十九年庚子僧水心復修雍正六年戊申建佛閣

廣長菴在福善橋畔舊名福善菴知縣于藻改今名

大隱菴在習溪橋側夏陽湯信叔造橋即創菴招僧守之

成化志載為祥符菴後改名觀音堂 國朝雍正五年

燬於火僧光朗募修

梅林菴在東門外以梅林渡得名

淨土菴在白鷺洲雲章閣左明知府汪可受修葺書院附

建梵宇 國朝康熙五年丙午知縣于藻修復今廢

大悲菴在八十七都社稷壇後華山麓寧國寺支基也康

熙癸丑住持旦巖建甲寅燬己未間劉子超及兄汝亮

等復修

地藏菴在興賢門外小站前 國朝康熙元年壬寅僧宏

熹募建地藏禪林李峻記

詳縣志

資國院在龍須山麓唐昭宗時勅建明嘉靖間廢 國朝

順治十三年丙申眉菴僧秀重興十五年戊戌火十六

年己亥復建康熙二年癸卯復構塔院及法堂

宋周必大遊記云壬戌早七兄題壁而行約十五里至

龍須山法雲禪院昔曹溪六祖大弟子曰法登吉之安

福人青原思公兄弟也偏得六祖之道唐大曆中來隱

此有地人龍須盡以山林田宅施之故號龍須山代宗

賜額為長興寺德宗時登卒創塔於院西三百步塙高

二丈四尺武宗毀浮屠至其石函遇風電雷電有羣虎來衛不果毀太和二年改爲長興禪院明年又改宣化本朝開寶三年易號妙峰取登所用錫杖衲衣入京未幾復歸之賜號博濟禪師塔名法雨大中祥符二年改今名衲衣皆在取而觀之又院記云唐大中十二年賊竊衲衣取其中襍棄衣草中野火燒山獨衣傍丈餘草木如故微光發徹遂求之又古碑云長慶年登禪師開山中廢天祐中道成禪師重葺治之師姓姜天聖以前猶曰妙峰與僧德宗所記異同寺有僞吳順義七年所給戶帖用尚書工部之印其末着右司郎中判押故人將仕郎李孝基嗣自醪村遠至遂同長老師古步至法雨塔及巢雲菴飯訖嗣先去與師古坐覺翠閣甚久寺宇幽邃老宿所聚門外絕無居民舊藏辟支佛頂骨近爲人竊去中後出山約十餘里至醪村訪嗣鄉傍有小寺亦往遊焉

侯城院在儒行鄉宋文天祥書三大字及手植柏樹猶存明心院在十一都白沙宋開寶三年庚午僧志明建天聖間仁宗賜御書大雄寶殿四字寶祐間復賜明心之院元至正間僧正淨修明洪武二年己酉僧天然重建新興院在錢富桂林山宋乾德間僧智聰建明洪武十年丁巳僧泰恩重建

建安院在五十都唐昭宗時僧半雲建元延祐間僧愚寬

重建明洪武三年庚戌僧如海修

龍安院在二十都唐貞觀間僧一性建明洪武三年庚戌僧聖惠重建山下有泉歲旱禱之

金峰院在十九都銅溪舊名菩提寺宋劉襄遷於此僧嘑囉掘地得金佛改今名 國朝康熙十九年庚申修

天寶院在水東來蘇坊唐至德間建今廢
法興院在林四十三都

惠慈院善生院竝在永和鎮
龍須塔院在水府廟北

元妙觀在城內晉建唐開元九年辛酉為紫極宮宋祥符三年庚戌為均慶觀天禧二年戊午改天慶元至元十

四年丁丑易今名明洪武五年壬子作三清正殿舊屬祝聖道場有劉弁碑及白玉蟾墨跡今亡

明劉三吾重修記畧云廬陵四忠一節之邦元妙祝釐都會之所揆厥所繇肇自唐開元之辛酉時則為紫極

宮繼興於宋祥符之庚戌時則為均慶觀天禧戊午改天慶觀元至元癸巳始改今元妙觀其時道力陰翊王

度住持有人一變而兵燹再造而大明甲辰之歲住持趙淵泉等集議以圖故規先是郡侯守帥首倡於上士

庶捐金樂助作三清正殿鳩工癸丑十二月落成甲寅三月啟翬延髻聳隅植疏甲然林然還復舊觀矣

嘉惠觀在天華山上元皇慶元年壬子道士易多福建元

統元年癸酉里人龍必富建玉皇閣

元馮翼翁記畧云廬陵郡城西焦岡山自安成百里蜿蜒而來踊躍而止爲郡治上流形勝南眺神岡北睇雲騰青原拱其東龍須揖其西轟爲龍坡蟄爲龍窟泓爲靈泉發爲雲霞雨澤實仙真之所宅也皇慶壬子歲道士易多福始拓地開基建壇以祀華蓋三祐真君掌教天師立名天華宗師真人賜額嘉惠俾掌祠事無誠不感無禱不應合郡士庶奔企瞻拜壇下不踰時正殿成三真聖像立廊廡齋庖寮舍分修竝建共施田租以供香火二慶節元統元年郡人龍必富獨建玉皇寶閣塑有帝像修三門殿閣前後輝映林麓遂感天燈見白鶴翔靈驗畢至其嗣請記其事不可以不記

五嶽觀在郡城西永豐門外舊名黃真觀東晉間黃輔結廬於此宋祥符天禧間道士徐保寧新之時名三官院邑人胡察記治平三年丙午彗星見保寧應詔禱之有應英宗勅賜玉虛觀有五嶽行宮熙寧三年庚戌產靈芝韋驥記隆興元年癸未袁富修三清殿有記元季廢於兵僅存三門

記俱失載

明解縉詩云廬陵城西有黃壇五嶽秀拔當天關黃仙昔年此煉丹紫霧倏爍紅霞殷龍光騰騰霄漢間遺劍尺五星文斑井底玉漿溫可餐鼎有金液凝不乾異香郁若浮檀藥黃仙眷茲時往還陟降瑤珮聲珊珊靈光

盤盤覆井欄弟子奕奕來星冠簷甍棟宇飛鶴鸞金碧
下照山石盤祝釐祈祥民物安萬世銘詩垂不刊

青華觀在縣南坊廓鄉元延祐間安成壽昌觀道士張天
全建明洪武十七年甲子道士朱熙明重建

明劉敦信記畧云廬陵城西有觀曰青華前安成壽昌
觀道士張天全所建肇基元世延祐庚申有芝草之祥
時郡城高侯志上其事以聞勅賜泰宇觀由是盛天全
每於其間爲國祝釐爲民請福無不用其極故以時平
觀之興莫此際若也元季燬於火天全亦羽化矣皇明
啟運百廢具舉有朱熙明爲天全弟子不忍其師之勤
觀之毀得廬陵陳氏允文等樂捐以助其力乃於洪武

甲子規畫爲殿下逮山門廊廡凡所以棲神務爲人遠
之謀不計速成之美使來者皆曰是觀歸然煥然何異
天全之存日乎於是熙明與其徒謀具本末求記托進
士李兼善來請余惟道家以清淨爲本熙明年老悟道
且爲宋太守朱公約山之後天全世本曲江張文獻公
之遠孫故并紀之

徊仙觀有二一在城內東隅已廢一在縣西宣化鄉後晉
開運二年乙巳建宋紹定五年壬辰道士陳仙隱修明
洪武十年丁巳道士劉均再建

真常觀在水東來蘇坊吳孫權時有楊仙禱雨靈應遂標
竹爲壇宋乾德中尹抱元自玉笥山來建立殿堂治平

中賜今額明洪武三年庚戌道士劉在耕葺後改金竹菴

紫霄觀在六十三都東山楊仙煉丹處宋治平元年甲辰建淳熙四年丁酉賜今額紹定間廢而復興元泰定間復建揭傒斯記失載至正間燬明洪武初重建張宇初記

詳縣志

招仙觀在永福鄉十八都宋紹定間洞真觀道士郭心逸

建元大德間道士朱無瑕葺明洪武十二年己未道士李西庚重修

金城觀在四十七都肇自吳赤烏元年宋紹興間道士伍德修開拓元時道士龍月潭修明洪武間重構永樂間

勅建 國朝康熙間道士金仲儒修復

松青觀在縣南淳化鄉宋嘉定間道士袁巢雲建元至元三年丁丑寇燬至正間道士劉宏道重修

嘉福觀在郡城南恭愛坊舊名王仙西晉永興間王子瑤煉丹處葛稚川創宋治平中賜今額劉無心重建崇寧

元年壬午葛敏修記元大德間道士陳搏鵬募修明洪武十年丁巳道士趙旭初重建今廢

延慶觀在南門外營前祀神康王保裔宋紹定間賜額靈佑

永興觀在縣南十都晉永嘉間有王臯居此名白鶴觀尋改永興永嘉二年戊辰臯仙去詔改王仙觀宋元祐初

道士胡紫槩居之大觀改元始復永興明洪武六年癸丑道士蕭如春重建

清都觀在縣南永和鎮南唐保太間有石基崇高號西臺宋太平興國初道士蕭德元結宇臺上賜額西臺觀治平中改賜今額建中靖國元年辛巳蘇軾南歸爲書清都臺三字明洪武二十四年辛未道士劉元同重修宋蘇軾詩云鏡湖勅賜老湖東未似西歸玉局翁羈枕未容春夢斷清都宛在默存中每逢佳境攜兒去試問行年與我同自笑餘生消底物半篙秋漲百灘空黃庭堅詩云飄然一上清都臺輕裾御風秋色哀夜深環珮度高閣東坡老仙月下來

永豐觀在宣化鄉宋承忠郎胡謙請旨勅建元至正間道士石志堅修明洪武十年丁巳道士葉大觀葺國朝胡氏改永豐菴

朝仙觀在華蓋山相傳浮丘公與弟子王郭二真人見此劉辰翁記

記云以香城山爲南華以南華爲朝仙觀則自前吉州守天台葉丞相始華蓋者北辰之宇也山之穹然者象之故爲望今言華蓋山者何其盛哉初臨川郡有二峰雲間號江西高絕處相傳隱者浮丘公控鶴而上顧嘗約其弟子王若郭後見於此是爲華蓋山三仙翁而所至高山必有二弟子之跡何蓋昔者之皇皇其師也於

彼乎於此乎未可知故所在而見之也繇臨川溯永豐
有西華山又西至吉水東山爲中華繇中華上五十里
得廬陵香城山又高爲南華皆二弟子徘徊白雲間之
地而南華三峰略與華蓋山相似其下有忠簡公胡氏
居之又廬陵望也故南華最盛予爲記仙姓名不求人
知而知之者曰浮丘公足矣又求公之弟子而不可得
則曰是嘗授詩申公不乃與王子同耶或曰控鶴在老
子前與太子晉同時其授詩亦猶老子二百餘歲見秦
獻公也或曰授詩後有王褒王喬皆列仙傳殆是已而
郭又未見聞也則曰王之郭也變姓也蓋從兄弟也先
後時代且不可知而知其同姓從兄弟變荒乎方之外

而不得不方內敗之也浮丘以地氏氏浮丘者不一世
安在其爲授詩翁且授詩翁荀卿門人彼知授詩之爲
人師而不知荀卿之於浮丘又其師也仙籍多王氏古
今王喬六聾俗膚引舛錯無足證而華蓋山託爲顏魯
公記如麻姑者尤俚華蓋者北辰之宇也山如華蓋可
以出雲致雨斯望之矣浮丘先生古之隱者也隱如浮
丘則仙矣自其子弟求之不可得則隱矣與之隱者不
可知爲浮丘之後則浮丘矣王與郭且不必問而爲喬
爲褒爲子晉譬千載之後吾知香城之爲南華耶南華
之爲香城耶於此有雲其下爲雨吾不知誰爲之雨則
歸之天而天又誰爲之也意者其帝也反而取諸裳衣

馬袞冕馬圭璧馬耳目具而高明者區區猶夫人焉今
吾一舉首而凜然臨之其明威其明畏其比人間南面
巍巍乎宮室之鉅麗哉羲皇堯舜氏而天無稱雖有巫
陽莫之敢尸而心之精神極其遠想寥陽金闕紫微玉
皇崇高富貴備物典策神而明之也若此陋矣天無情
帝無形仙無名以帝爲主宰則人之也無物者有物也
以仙爲某某則神之也有物者猶無物也仰而茲山茲
仙也猶仰而爲天爲帝也其不可知也則亦至矣大山
之上有巨人跡焉曰自黃帝戰於此聞者隱然笑之及
至山之有崑崙也星之有牛女也昭焉指其過客紀其
時日辨其處所如所嘗覩如家人語古以至今山不崩
天不墜厥亦若有持之者焉而皆意之也憂其崩且墜
者爲愚爲誕而知其所不可知者爲智窮無窮極無極
吾將證之南華而南華老仙復隱然笑之悲夫吾聞韓
子之論山也曰最遠而獨爲宗其神必靈予避亂方山
之下天大雪望香城雪倚天照日如我眉其中峰高大
人指之曰朝仙觀也王元洞其左郭公巖其右蝗旱禱
焉天燈出焉道士鍾允升掌觀事與其師張次良焚修
祝曰惟宋萬萬子子孫孫惟王永作神主自有天地不
知何年此山爲香城香城生忠簡以匹夫捍城郭以編
修官按宰執吾所知其靈以此其最盛以此星淪嶽踣
南北壅隔近年始宗華蓋福華者無不在則如忠簡者

尚有人也是爲德祐元年吉州南華山朝仙觀記

高明宮在府治演武場後真君山上元皇慶間里人林浚
梅臞得西山玉隆宮許遜遺像歸構祠山頂爲道院元
季兵燬邑人王仁英興復明劉循然劉裕重葺胡儼記
記畧云廬陵西門外之高明宮宋郡民祀許旌陽之祠
也元皇慶間郡人林浚梅臞者爲高安主簿慕老子法
棄官學道於此求得旌陽遺像歸於山頂構祠爲道院
有瑞鶴神燈之異於是郡邑守宰遠近居民相率捐貲
爲殿宇殿之後有閣曰璇璣翰林直學士曾德裕爲興
聖后祝釐所建劉岳申記宗伯吳公更其號曰高明宮
梅臞年七十有二儵然羽化嗣之者陳仕淵於山半更
爲別室繼是主其宮者袁襲常潘真靜等十一人別作
新宮元季燬於兵復得邑人王仁英爲之倡率殿堂庖
寢皆復其舊迄今五十餘年棟宇腐撓彩繪漫漶乃告
於劉循然劉裕謀以新之合同門之士發所蓄及四方
之所施予者撤而新之正殿五間又作照殿後殿正殿
旌陽居之後殿三清居之廊廡齋堂以及山門煥然一
新

等覺林在十四都

寶華林卽北村菴

法華園在城西北十五里

僧生園在東門外梅林上街僧根匯構

九龍壇在小山江北唐時建有觀音閣真武殿平陂廟
妙蓮堂在北門外

仰山堂在永福鄉劉同升有額

蓮花廳寺觀

樓閣寺在琴亭村唐貞觀間建爲泰上人得道處

明李嗣晟詩云會約精廬再閉關此來雲壑頓開顏談
禪未脫塵中語放屐疑登夢裏山滿徑菊松堪寄傲出
林猿鶴許分閒當年惠遠人如在三笑風流應可攀

達本寺在二都下有甘泉建置無攷

覺堂寺卽閣塘院在十七都江口村唐貞觀間建宋文天

祥書額

青獅菴在七都瀟水上青獅巖前建置無攷

明李陳玉寄青獅菴聽月和尚兼示朱胡二居士詩云
野望交流倚樹哦春愁無處可銷磨山爲佛窟雲常定
地接龍宮雨自多鐘磬遙憐明月夜犁鋤誰唱大風歌
嶺頭閒殺雙居士竹戶聞禪近若何

馬跡菴在十都馬跡山葛稚川驅策過此石上馬跡猶存
土人建菴祀之

古盤菴在十一上都古盤山舊名槐花菴前有飛瀑明吉
水李陳玉改題今名

李陳玉贈盤菴問雲和尚詩云四山鬱繆向孤蓬隱約
蓮花九瓣中何用拈掇重說法山山聲響塞虛空

臨絕壑欲添橋送客須知此路遙三笑不聞靈運在柴
桑節義屬林標

西源菴在十三都西源山 國朝同知郭維楨記

記云予佐吉分防禾陽時越三載於山川之形勝都野
之繡錯靈崖窮谷物產人文無不搜攬其所最著者禾
山七十一峯高與衡嶽相映若五老雙童倚天湖羅漢
洞石壁龍門魯公之墨跡猶存余數過而心契焉至由
禾山西望六十里壤接荆楚諸峯摩空怪石森立中有
名利爲西源聳翠穿雲似空中樓閣對峙禾山不啻靈
鷲諸峯之迥絕人寰也壬午秋因公偶過未暇歷覽詢
之父老得其概而未詳適癸未冬晤西源老人於大悲

閣瞻其道貌清癯心甚儀之爲考西源始得備悉天九
曲蜿蜒百丈崩崩石屋連雲高嶺奔瀑靜夜水聲隱吟
如雷當其未闢時巉巖怪壑荆棘遮道實屬虎穴狐窟
樵豎牧童之所斥爲廢壤者蓋千百年於茲矣余因慨
夫洞天福地原在人間匪其人啟幽光建靈臺以明著
於寰宇中不致終爲雲霾霧積絕塞其靈竇也幾希矣
寧獨西源歟老人曰余固非其人公斯語實爲山靈生
色請記之俾後之率西者知尋源之苦也余感其言以
爲昔諸峯摩空今則袈裟覆地矣昔怪石森立今則金
碧聿新矣昔荆棘遮道今則祇樹千行矣昔虎穴狐窟
今則靈禽解語矣覩西源之勝概寧僅與禾山五老雙

童諸景共樹名蹟於千古歟老人之功殆亦與爲不朽
云老人爲誰西源開山住持長老超光心明氏也

白雲菴在十八都白雲洞明吉水羅洪先題其巖并記以
詩詳山志

三一菴在二十三都復禮書院右明劉元卿同里人建

石城菴在二十四都石城洞明劉元卿結菴居僧引空
清泉菴在海潭村建置無攷

明劉元卿詩云僧房三坐芙蓉署一作暑僧自不閒景自

幽地轉吳山連楚界天迴盛夏作高秋幾間茅屋環溪
水一道清泉出石頭閱世未須傷往事即看東日又西
流

元陽觀在一都元陽洞旁吳赤烏間建唐真人楊筠松修
煉於此丹井猶存

楊筠松詩云最愛一溪水高人此結廬繞門多碧草積
案有殘書生計茶煙裏行藏竹夢餘偶來堪習隱不羨
子雲居

黃華觀在長埠下村建置無攷

國朝李猶龍詩云勝地翻幽靜黃華卽玉臺風梳聞葉
落日午見雲開滿院清香迥穿廚活水來諸天權道骨
笙鶴爲誰回 盛逢瀾詩云肩輿尋勝訪黃華翠擁蓮
峯映彩霞莫怪到山迷去路白雲深處是仙家

拱北觀又名聚仙山在二十一都觀左有問禮處桂花樓

諸勝道人李天麟煉真於此建置無攷

清風觀在二十九都浴月池上冠子峯前明劉髦嘗下帷

於此勅賜讀書臺額

明劉元卿詩云前度劉郎諳舊途桃花千樹隱元都飛

霞天馬

名山

橫金勒帶雨愁猿

名山

敞畫圖紫氣東來浮恍

惚青鸞西去入虛無蓬萊咫尺人難信悵望青霄月影

孤

高天觀在高天巖舊傳葛稚川煉丹處建置無攷

泰和縣寺觀

普覺寺在縣治東百步舊名清平唐上元元年甲戌建宋

治平二年乙巳賜今額元豐中真宗仁宗有宸翰三十

軸昇寺僧楚金其徒惠恩建閣藏之左有鐘樓右有圓

通閣後有千佛閣閣下為純白堂前有禪閣亭

慈恩寺在縣治東舊名福星唐乾符元年甲午建宋祥符

元年戊申賜額後分六院明嘉靖中廢僅存普照院藏

經閣

智林寺在縣治西北舊名閑林唐上元元年甲戌建宋治

平三年丙午賜今額寺東有塔宋宣和間建

地藏寺在儒學右宋紹聖間建政和間修殿後有塔

般若寺在縣西魚池巷內宋大德間邑人康明達建明崇

禎四年辛未修

金城寺在磯頭塘明萬厯間水圯知縣王元瑞築堤修塔

割金城寺

龍福寺在上模里宋治平三年丙午建

明羅欽順詩云禪扃豁清晝深虛隔塵氛雨餘山翠入
林靜鳥聲聞嘉賓何濟濟跋涉良已勤非貪涅槃趣思
整時俗焚此意誠懇懇誰謂徒云云坐中三大耄笑語
芝蘭薰羣英亦駢列意氣凌青雲道同聲自應彼此會
何分揮毫已具草命酌還論文長年懷契濶茲會餘清
芬清芬諒無已卽事期收勲庶幾萬分一持以報吾君
太寧寺在沙村宋乾道二年丙戌建

明王沂詩云平日愛山被山誤茲遊况值青春暮花滿
凌空宴客樓草迷前日尋仙路月下呼龍霧雨霏雲中

奏樂天風度諸賢竟夕思飄飄秀句多因有神助

殊山寺在長塘宋紹興間建元至正間修

金文寺在洞口唐天成間建宋治平三年丙午賜額

護國寺在三顧山下唐上元元年甲戌建元至正間修

高漚寺舊名休笑菴在龍洲濟渡菴後

西龍寺在四都唐會昌元年辛酉建宋咸淳間修

良泉寺在五都宋咸淳二年丙寅建

柏木寺在八都唐天成二年丁亥建宋淳祐間修

龍城寺在八都元延祐中建明洪武元年戊申修梁潛記
記云泰和東四十里有寺曰龍城蓋其山自西南數百
里外勢踴躍如龍相屬不絕至寺之近鬱然環之如城

故其寺以名其後據贛江其前紫瑤三顧諸峰望之皆
可見其幽遠迴絕顛崕絕壁之間而蒼翠無窮逸韻鏘
發登其高以攬煙霞松柏如人世塵土之既遠而天台
廬嶽相接迹乎左右也蓋其勝莫與為比者而寺之建
相傳昔饒之福嚴寺僧曰亞愚以善詩得各自宋元豐
間始掛錫而營此山元符之際請於朝賜額曰龍城其
所建殿廡門廊極爲煥麗元末燬焉國朝初僧肇象初
與其徒數人乃爲法堂若干楹永樂癸未秋僧定成善
仁應機惠濟乃謀爲正殿謀既合遂發其所藏購材鳩
工陶甃於野伐石於山翕然皆作不兩月而殿已成蓋
任其事者人各自盡而總其事者定成也堂在殿之後

勢最高陟級而升者幾丈自堂而殿而門規制皆有加
於舊於是人之遊龍城者愛其宮宇之邃入其中常倦
而不知還不獨以其山川之最勝也予來梅岡數矣愛
定成聰敏能賦詩所與交者又多名士如前吏部尚書
劉公崧皆是因竊異之曰此與亞愚無甚異者豈其創
業興起時至而人出一若有數然哉寺之建得其勝守
其教又不乏人如此則宜乎其不落窳也而况其教有
足以動人者乎因定成之請故爲之記

迎福寺在十都舊名寧福宋治平間建明洪武中修

金相寺在十一都舊名保寧菴唐天成二年丁亥建元至

正間修

崇興寺在十三都宋治平中建

南富寺在十五都宋治平間建元至正中修

西龍寺在二十九都唐會昌元年辛酉建宋咸淳中修

天王寺在三十五都宋紹興元年辛亥建明洪武三年庚

戌修

江東寺即古東泉院在三十七都宋慶曆二年壬午建元

至正二年壬午修

興福寺在三十七都唐上元中建元泰定間修寺旁有小

塔

三德寺舊名善集在三十八都唐會昌間建元至正二年

壬午修明萬曆間重修

古城寺在三十九都即梁李遷仕築城處唐上元間建宋

治平間修明洪武初重修

明劉魁詩云蕭散惟林泉清幽多寺觀物理付蒼魚吾

道隨童冠無我乃為虛有心即成玩兩久必成霖日中

自然盱天地自盈虛愚知皆明燦變易以從時何用增

憂嘆

白泉寺有二一在三十九都一在水南竝唐上元間建宋

德祐間修

崇福寺在四十都吳赤烏間建元至正間修

南豐寺在四十三都唐上元元年甲戌建元泰定中修

新吳寺在四十三都新吳坳下舊名石池院宋紹興間建

國朝乾隆十四年己巳修

茶山寺在四十四都唐會昌中建元至正三年癸未修

妙嚴寺在四十七都唐上元中賜額元至正中修

覺堂寺舊名報國院在五十二都唐上元元年甲戌建宋

咸淳間改今額明洪武間以方里寺併入

甘泉寺在五十四都唐會昌二年壬戌建宋治平三年丙

午賜今額元大德中修

心田寺在五十六都宋治平中建明洪武元年戊申修

西溪寺舊名興福院在五十七都宋嘉定間建元至正間

修明洪武間改為西來寺解縉書額

觀山寺在五十八都

明胡直詩云頗識浮生幻幽尋不記踪地同離垢國人

在妙高峰雲起移前嶂窻虛谷暮鐘還臨泉穴坐清韻

起蟠龍

龍山寺在六十一都宋治平間建明初修後歸靈巘寺

靈巘寺在六十三都唐咸通九年建元大德二年戊戌修

延壽寺在六十六都唐天成間建宋治平三年丙午修後

歸覺堂寺

薦福寺在六十七都宋咸淳中建明洪武中修

清泉寺在七十都宋元豐中建

宋黃庭堅詩云稅輿陟高岡却立倚天壁就輿亂清溪

轉石飛霹靂十步一沮濡五步一枳棘上方未言返豁

見平土宅田家雞犬歸佛廟檀欒碧蓮蕩落紅衣泉泓
數白石人如安巢鳥稍就一枝息鐘魚各知時吾亦自
得力 山農居負山呼集來苦遲既來授正役謠詠謂
余欺按省其家資可忍鞭扶之恩言諭公家疑阻久迺
隨騰口終自愧吾敢乏王師官寧憚淹留職在拊惇嫠
所將部曲多溷汝父老為西山失半壁且復下囊輜啼
鴉散篇帙休吏稅巾衣石泉鼓坎坎竹風吹參差書冷
行熠燿壁蟲催杼機昏缸夜未央高枕夢登巖
圓通寺有二一在三都一在十七都洪山寺在四十一都
鴉山寺在六十二都覺海寺在六十四都柳條寺在石
波重興寺在白沙晴林寺在穆村

惠隆院在觀山宋治平三年丙午建中有爽軒黃庭堅題

元大德中修

宋方師尹詩云鶴嶺重登不作難自緣蘿月喜同攀勝
遊不減謝安石佳士况逢元魯山眼底更無塵事擾寬
開又得許時閒丁仙已有歸來約他日尋盟共往還

紫桐院今名紫桐寺在雲亭蕩原吳赤烏三年建後唐天

成宋治平間兩修之元時僧行滿有寵於朝明洪武間

歸龍福 國朝順治間復興知縣田惟冀記載失

南臺院在冠朝唐上元元年甲戌建元至正二年壬午修

明洪武二十四年辛未立為叢林

彰法院在高龍後唐天成間建宋治平三年丙午賜額明

天順間修尹直楊光弼嘗遊此號雲亭雅集

臨江院在下堡後唐天成間建宋治平三年丙午改今額

明洪武三年庚戌修

仁基院在八都唐建宋末圯元至正間張永年修

隆福院在睹陂宋治平間建元至正間修後歸清林寺

清雲院在清涼山元至順間建

慈福院在二都晉永嘉二年戊辰建院鑄銅鐘一以失去

後得之江中宋紹興二年壬子重建洪武三年庚戌修

按舊志作唐永嘉非是今正之

石臺院在三都唐會昌間建宋淳熙中遷桃源溪邊明洪

武九年丙辰修溪中有石盤平如几案故名

普文菴在鐘鼓樓左明隆慶中建萬曆中增修

首山菴在西一圖明時闢為禪林方以智記

記云西昌西郊自春浮以南列刹鐘磬相聞皆蕭太常

金玉所扶植者次公多居陶菴每月朔望集通邑長者

作放生會而亦菴比隣在般若旃檀香界長者園之中

陶菴亦菴皆荃陽鄭公署書庵忽經劫火而殿堂諸寮

鼎新翼翼接衆安禪數十年如一日遠近差肩望亦菴

為諸山之首則中千賢公與其徒胼胝一行所致者也

孟舫小翮衍經結集施義田賑園土每從亦菴首事近

以陶菴歸之曲許喬蔭周回數里矰網不施魚鳥咸適

中千又建大悲閣簾連濯樓一方檀信歲倡此地建法

華會海內高人達士樂此寶所題為首山良有以乎汾陽之道續於首山念法華夫所謂首山者中條也元有孤雲尊者臨溪作了一了菴亦以雙栢當門首山起興然則學道人苟非一心一行踐履霜雪又孰能刮火不變亘乎廢興也哉千門萬戶皆以矩尺而造空虛其載之者基也千門萬戶成而基可須臾離乎公輸不時出而矩尺之法在法從何來可以寤矣末流好放逸而嫌實務借空言以恣莽蕩將遊手為公輸矣古德叮嚀真實即是真空竿頭進步猶有事在體雖不異古人功未殫於諸聖吾道自是無能名無賞功無盡分也中千以精進聞而十方有道至止者激揚宗乘開期宏教無不躬為領袖禮敬供養忘軀為衆垂白不改首山寶構歲增千柱未嘗持一疏干貴人而次第構舉鶉褐簞瓢澹如也曰盡此一報而已嗟乎致虛非逃虛務實非滯實穿過虛實粉須彌乾沃焦何以鑑之既以全身肩荷加行增進功齊諸聖非分外也然始終禮此法華眉間先照東方非思所解又何庸反覆曉喻琉璃瓶盛乳從來所歎乃能擴而大之此一惓惓安能已乎愚者來首山曾中時舉念法華初受此經後因風穴上堂以世尊不說說為問念答曰動容揚古路不墮悄然機穴領之而念公因住首山宗風遍天下

懷仁菴在龍洲上一名濟渡菴宋景定間建

覺皇菴在龍洲上明萬厯中建

惠寧菴在北門外明嘉靖間建萬厯中修菴前有新佛閣
永濟菴在四十四都明隆慶間建

延真觀在縣西黃茆岡唐宏道間為白鶴觀即王子瑤築
壇處宋至道間改名洞虛治平間改今名明永樂八年
修內有紫薇閣明梁潛記文昌閣王直記失載成化九年
建玉皇閣又真武閣在迎恩橋畔

梁記畧云泰和之西有岡曰黃茆岡之上舊為白鶴觀
宋太宗改洞虛英宗始賜名曰延真環觀東西為七堂
其東北曰仁靜之堂今道士趙希老蕭奉吾因其地度
為紫微寶閣上以祀北斗九皇之神蓋以為是足以啟

其遷善改過之端也至希老之為閣又取象於太一紫
宮敬恭而奉承之者亦至矣而民猶或懵然不知所以
為遷善改過者其速戾於躬豈不尤重乎哉閣高幾丈
廣若干深若干經始於永樂某年月日某年月日則其
落成之時也希老之師祖蕭公省菴省菴之後曰韋公
志菴志菴之徒三人曰王用相其二即奉吾希老也奉
吾與希老捐已貲命徒某往南市美材遂成此閣而能
始終相其成者長道會彭公海雲提典觀事蕭公惟中
也希老求予文記之予為著其事以記之矣復系之以
詩曰黃茆之岡神光離離紫岡凌霄上瞰虛危貝戶天
開金楠霞飛仰瞻太乙尊居巍巍太微四門大道逶迤

九重獨運七政迭施三台四輔後先導隨幹旋萬化平
分四時嗟哉生民彼昏罔知茫茫九土孰統轄之福善
禍淫孰叅其機巧訛構煽孰察其微權衡默運節度潛
移賞之罰之爲民命司絳節丹幢仙童玉姬颺然戾止
百靈衛持牖彼僻愚釋其繆迷陰翊皇度與道同歸皇
道巍巍皇風清夷於萬斯年降此蕃釐

崇道觀有二一在龕村吳赤烏間建宋治平中賜額明洪
武中修一在覺海橋唐貞元時建元至正間修

太虛觀在三十一都唐天祐五年戊申建元大德間修
羅仙觀在楊村唐高宗時建元大德中重修明永樂成化
間相繼修葺

宋葛敏修詩云羅仙一去二百載馬跡飛橋今尚存鶴
馭不爲緱氏嶺桃花空出武陵源千年光景馳駒隙三
汲波濤透禹門欲見此翁論此事夜深無夢入莊魂

太元觀在三華山下縣北龍門唐咸通四年癸未建長興
三年壬辰修牛僧孺記失載元季兵燬明洪武二十一年
戊辰重葺

按舊志長慶三年修又在咸通前四十年矣當是長
興之訛

迎仙觀在五十一都吳赤烏間王郭二真人修煉處隋仁
壽四年建元季兵燬明洪武二十二年己巳修

崇元觀在王山下洞口唐上元二年乙亥建卽王匡二仙

冲舉處明洪武三年庚戌修

通仙廟在王山下祀匡智匡大郎唐天寶間建宋紹興間
賜額胡銓記

記云世傳晉永嘉中有王君子瑤字大臯者漢王喬之
裔也嘗慕神仙術自玉笥山道廬陵抵泰和樂其山水
隱居凡四十有八年莫知所終相傳以爲仙去然竟巨
測也唐貞觀間又有匡君諱智者長安人也棄妻子脫
屣軒冕慕王君之爲人其兄子往依之吟風餐露攻苦
食淡者久之人莫知其所終里人捏塑爲象祠之水旱
有禱輒應或云當時有布鼓自山椒而隕聲聞帝里唐
太宗詔取以入擊之不鳴復歸之祠是夕大雷電發鼓

所在余聞子顛云毋持布鼓過雷門言布鼓無聲者也
今云聲聞帝里其亦異矣昔葉令每朝時葉門下鼓不
擊而自鳴顯宗迎取其鼓置都亭下畧不復聲二事甚
相類豈好事傳會其說以爲神乎紹興乙卯有詔廟額
曰輔順後十年封神爲威遠侯今上踐阼加封肅應於
時祀典益輝過者加肅是山古今多題識惟邑人劉敏
求四詩爲得其實予嘗錄其詩又擬楚詞以遺祝之俾
歌以祀焉其詞曰秋蘭兮菊英駢滋兮階砌紫莖兮翠
蓋播楚馨兮襲襟秋芳兮菲菲綠骨兮素枝高堂兮百
靈層之居兮巍巍紫室兮蓀壁蔬芳椒兮盈戶蘭寮兮
桂楣擗蕙楊兮葯廡网杜衡兮爲綢葺芰荷兮彌彰瓊

靡兮為飭僚之兮芝房萃眾卉兮寶廷岌萑集兮萃雲
百神續兮輻輳靈之歆兮苾芬潔余薦兮寒泉澤余民
兮甘霖塞溪毛兮杜若將以答其恩渥

真君廟在十三都元至正間建祀浮坵及王郭二仙元季
燬明永樂元年癸未重建

吉水縣寺觀

龍華寺在縣南坊南唐保太間勅建名龍光寺九年釋元
寂奉詔住持宋理宗賜御書覺皇寶殿額明正統間釋
南浦奉勅復建易名龍華崇禎戊辰釋元宗修癸未兵
燹國朝康熙五十年辛卯釋梅逢修統院九內有元

寂塢南唐學士韓熙載撰碑尚存

碑志見藝文

明胡大成詩云香宇依空結虛軒傍水開沙明鴈影度
逕靜竹風來午磬傳清梵晴花點綠苔寥寥人境外宴
坐送餘杯 毛伯溫詩云仁山南擁龍華寺文水中分
碧草洲勝地由來僧獨占恆沙今喜汝能求洞門雨送
山泉駛石磴雲飄竹院幽衣鉢即知傳上界錫飛應到
海西頭 羅洪先詩云半月高齋對鶴眠客來無日不
探元不知何處人間世拚與青山結靜緣 鄒元標詩
云龍華寺在南山下門對青峰境更幽地迴永無塵事
擾堂空時見碧雲流風傳佛閣千鈴夕月照禪林萬木
秋却憶朗公傳法日僧殘碑斷不勝愁 國朝李元鼎
詩云颼颼秋風映遠汀殘編謾撫照流螢燈明古殿僧

千偈葉落空山雨一庭竹影不禁隨月去鐘聲且喜傍
雲停兀然坐惜良宵寂何處清歌入短亭僧大忍寺
西翠微山詩云衆峯屏翰遠積翠毓諸岑環拱文江秀
中藏梵宇深飛雲時出岫巢鳥任歸林不逐滄桑變居
然天地心

太雲寺在北坊一名帶雲唐時建

明毛伯溫詩云爲訪王摩詰來遊祇樹園花邊來駐馬
竹裏共開尊山翠遙當几溪流曲抱村乾坤傷浩劫吾
欲托空門鄒元標詩云老僧杯渡自中州般若名菴
十載留偶出禪關塵市返忽驚寶地白雲浮堂開虎穴
羣峰出寺倚鼉宮一水流師去法門誰得似蒼蒼古木

向人秋

東湖寺原在學前後徙傅家橋今圯

南岡寺在東山卽古孝義寺唐寶曆二年丙午僧性空來
此太和中遂成叢林宋紹聖中黃庭堅延青原僧惟信
住持政和間張商英言於朝勅賜崇義禪寺南宋後僧
師能易寺曰南岡以崇義名山明末兵燬國朝順治
間僧獨立興復統院六舊有劉辰翁書額并記

記云山起於空虛微塵不息一下一高其奮爲東山也
勢至已不可遏然猶坡陀蜿蜒平田廣澤之間憇焉爲
南岡岡隆隆爲寺寺於治平間爲禪山田百餘視吉之
諸禪尤下余遊玉笥西歸宿焉寺創如新完且弗飾門

逕荒唐松竹手植戢戢老能披蓁藿說法殘僧數鉢視
如叢林方規隱然余周回太息國無喬木久矣高陵下
谷望而蒼然者必寺而茲寺亦翦無幾舊惟一藏龍光
出焉想見盛時參差曲折暉映宏稱然循其初則皆幻
也繇山有木由寺有鐘鐘鳴法食牕列蔥翠比於萬石
之家千室之邑種種贍足祖孫不替孰知一麻一麥建
立次第哉世教滅亡而山間林下以西笑興慮無不增
益盛麗獨此莽蒼初見成立而能力亦少極矣向非此
僧用意於衆人之所不視豈復有寺哉而能方戚然惟
一大藏未了不爲能事余笑曰人苦不自足方其爲荒
邱敗屋也欲求佛不漏不可得今橫膝敷坐長廊轉日

見在豈不十七八何不安意慰志如是如是可矣尚皇
皇南岡曰吾法以不住相布施故余曰不然譬如馳求
徑徑行萬里無有住處以爲不住已改住法以住於利
况住愈礙不住亦礙礙在不住吾不住者不離於住吾
往常住住卽不住如江行船身在船中隨住卽住而此
船者實未嘗住於是長老從座起曰信如君言卽今南
岡爲有佛處爲無佛處彼露住者實代余對余指曰住
住師能吾城中龍氏號明知大師說佛法甚辯余故喜
言之云爾寺修於五星聚前記成於五星聚後三月又
六月爲中元乙酉併書

宋黃庭堅詩云草深丈許落花紅正令行時絕異同背

觸俱非無敢犯鋒鋌不露有誰通掀翻窠臼全收放賣
盡風流患啞聾曾向黃龍簷下過種來毒氣滿虛空
劉辰翁詩云葉墜空林滿院秋杪樵枝上月初流高僧
迴出人間世彼岸先登不用舟 明王守仁詩云古寺
迴雲麓光含遠近山苔痕侵履濕花影照衣斑宦况隨
天遠歸思對石頑一身惕夙夜不比老僧閒 王畿詩
云山寺經尋少苔痕滿地青以茲能會道卽此可忘形
露氣浮花影天衣掛鶴翎老僧無一事揮塵共譚經
劉同升詩云芳樹籠幽徑高峯入寺青人烟迷野店鳥
語出危亭拂案攤僧史忘機誦佛經秋蛩若有怨爲語
不堪聽 國朝李元鼎詩云每讀須溪記南岡古寺傳

偶來憑杖履薄暮淡雲烟紺殿新鐘鼓蒼松老歲年天
親無著好兄弟共安禪

昭慶寺在城外東北

龍濟寺在東山第一峯後唐僧修山說法有五井湧出滿
貯米鹽之異因名龍濟宋時僧宗鑿歸老於此蘇軾黃
庭堅皆遊焉明時僧拙翁繼修 國朝李元鼎重修復
構買山菴皆山樓今呼爲壽隆菴又漕涼禪寺竝在東
山

宋蘇軾詩云舍舟江岸望峻增路險巾車御漫勝天上
樓臺山上寺雲邊鐘鼓月邊僧四時光景吟無盡一點
紅塵到不能信步吾師行履處朗然破暗一禪燈 明

吉安府志 卷五十九
譚允謙詩云筍輿半日歷寒岑結个茅菴如此深江上
過帆霜鶴下山間比舍夜猿吟誰新古渡雲峯色一振
諸山鐘鼓音松葉不知多少厚最憐祖塔總消沉 國
朝李元鼎詩云古刹松杉護百靈岩巖遠上接天青懷
賢爲憶來蘇閣掃石應存瘞佛銘正好開山憑鳥喚還
期說法有猿聽一肩交與頭陀去莫負南唐舊祖庭
僧智簣詩云林巒盤曲翼龍宮四季閔花開不窮寺向
西江傳宋日門高北斗起唐風羣峯直秀青天上雙澗
爭流白浪中鳥道倚雲橫碧落夕猿啼在石橋東
歸福寺在六十都唐時古刹明末圯 國朝康熙八年己
酉僧舒光重建

南禪寺在六十一都同江南宋時古刹明李中與周延羅
洪先羅大紘王龜年諸人講學於此

明李中詩云來往無方上石磯禪房一枕恁忘機深山
螺鉢多年謾太古鸞刀與日輝鐘響白雲僧夢熟月明
野水佛燈微鷄鳴萬樹風初動隔岸桃花片片飛

周嶺寺一作圳嶺明洪武間僧寶師建其後僧俊極常應
詔赴京師受勅書歸藏於山

禪居寺在石蓮洞後

明李士開詩云午夜月明鐘磬稀風清仙梵遠微微韻
流幽壑潛蛟舞響振長松睡鶴飛老衲談空頻拂塵仙
郎得意寂忘機了然動靜寧超悟且向聲聞一路歸

吉安府志 卷五十九
悟空寺在六十二都宋文天祥題額

解空寺在一都 龍坪寺在二都 仙槎寺在三都 巖

真寺在五都 正覺寺在二十四都 東林寺在三

八都 金沙寺在三十九都 吉祥寺在四十一都

重興寺 寶城寺竝在四十八都 長慶寺在五十三

都 前山寺 後山寺 延福寺 臨津寺竝在五十

五都 彌陀寺在五十九都

觀音閣在北門 國朝康熙間知府郭景昌偕邑紳李元

鼎倡建知縣王雅令僧知熾重募恢擴之邑人李振裕

記

記畧云余生長京師幾不自知其爲吉產每於趨庭問

寢之暇詢及故鄉山川人物與夫都會井閭諸形勢先

人指畫口授歷歷在目且命余曰吾鄉山水奇秀甲天

下多臨觀之美其嶒峯而具千巖萬壑之勝者東山也

其巍然特峙而爲北門之鎖鑰者觀音閣也余心誌焉

嘗欲往而縱觀其盛莫之遂生十一年先人解組歸取

道覽社愛其風土而家焉又不得至故里而觀所謂東

山觀音閣者年十六移家返南昌私喜幸自語今乃獲

寄目以售所願矣逾年隨先人來歸行抵峽江縣地益

高山益峻遙見蒼翠倚天扶輿蜿蟺磅礴杳靄出於衆

山之巔者不問而知爲東山也行五十里至邑之北門

維舟延佇見井里蕭然野草迷漫虎豹爭處城內外居

人寥寥如不足自存者閱十年太守郭公以事蒞吾邑與先人升高望遠慨然曰邑之圯而久不復振也得母地脉形勢有當補救而修舉者乎先人歷遯今昔盛衰之由謂公有志修復請自斯閣始郭公毅然力任約偕邑縉紳士庶共謀之即日輦糞壤燔榴翳因其故址而程工焉會山水夜漲浮木蔽江皆集於北門沙渚不去旦日聚觀數百人咸嘖嘖稱異事經度不數月而高費隆棟巍然舊觀仍其舊名曰觀音閣又四年僧智焰手一冊謁余聖室請曰閣雖成而修飾未備不特無以侈四方之觀且孑然獨立而求爲全邑之藩翰以增形勝其可得乎余乃力言於邑侯王公公曰此余志也遂捐

金爲之倡予嘗見今之釋氏始誅茆一束蓋其巔後一過焉而千楹百堵之屬畢興矣再一過焉而嵯峨堅好金碧輝耀儼然佛國矣就而問之或曰此某大夫之所建也或曰此某公爲之倡而邑之紳士氓庶從而樂助也或曰此四方之游賓商賈輻輳而捐輸也嗟乎此特就釋氏一家之言其成就且彰彰如是况余所云繫全邑之保障與夫形勢盛衰人物之隆替其事綦重且吾鄉士秀而民淳又當舟車往來通衢四達之境僧持是冊而徧告焉吾知歡欣鼓舞而趨成其事焉者衆也郡大夫倡之於先邑明府踵成於後而兩公之德在民間上下相濟使邑之人無愁怨悲苦之聲又蠲荒得請與

民休息之始將見四民各復業而寧居井廬廛市與傑閣琳宮掩映迴環烟火相接而四方朝會聘享往來之所經皆嗟嘆慕悅不能去夫然後山川風物鬱鬱蔥蔥以復吾鄉禮樂文章之舊予不敏席先人餘業獲從諸父老後聽豈弟之歌極從遊之樂以頌咏我國家太平之治而周覽城郭形勢詠兩公興復之功以遂余夙昔之願不亦休哉

寶積院一作寶錫

宋歐陽修詩云爲愛江西物物佳作詩嘗向北人誇青林霜日換楓葉白水秋風吹稻花釀酒烹鷄留醉客鳴機織苧徧山家野僧獨得無生樂終日焚香坐結跏

禪寂院在五十九都

元郭鈺詩云詩苦窮人人苦吟偶隨名勝到叢林畫龍點睛先飛去詠鳳求毛不用尋豪客尚能知李涉奸雄終不棄陳琳文章得意無今古讓與籠紗照碧岑

上茶院源陂院草子院竹坪院竝在二都 東山院在三

都 觀音院寶興院竝在四都 南華院在六都 巖

峯院在九都 龍仙院山寺院南隱院竝在二十一都

龍果院在二十二都 建峯院興福院竝在二十三

都 龍池院廬山院正覺院竝在二十四都 棹源院

水陸院梵惠院竝在二十五都 六祖院在二十六都

明覺院般若院西菴院竝在二十七都 三峯院在

二十八都 長興院在二十九都 龍安院在三十都

增福院龍禪院俱在三十一都 合龍院在三十三

都 國興院在三十四都 饒益院降魔院靈巖院立

在三十六都 安溪院在三十八都 黃沙院在三十

九都 仙靈院延興院立在四十二都 龍泉院招賢

院立在四十三都 金城院在四十四都 羅溪院在

四十五都 東臺院龍城院立在四十六都 龍堂院

麻源院立在四十七都 廣積院白竹院靈峯院立在

四十九都 大樂院崇福院立在五十都 清溪院在

五十一都 寶壽院廣寒院立在五十二都 松林院

長壽院立在五十三都 新慶院在五十五都 延慶

院雲際院立在五十六都 雲水院福壽院立在五十

八都 皈福院在六十都 文昌院在六十一都 仙

居院禪悅院回曾閣院立在六十二都

金粟菴在小東門內

南源菴西源菴立在東山

明羅洪先詩云一宿東山下山高雲霧深何時重策杖

月出聽猿吟

般若菴在東山般若禪師開法於此明羅洪先讀書其中

爲作記失載

國朝李元鼎詩云禪房曾借片枝安此日重來興未闌

古寺依然圍薜荔空塔還見長琅玕兼旬尚想春遊樂

一雨能生夏日寒老衲知余仍健飯慇懃細語勸加餐
盤龍菴在同水谷村

明鄒元標詩云盤盤古刹太平隈朶朶蓮花水面開
出思江紆逕繞門當幽澗秀峰來龍飛石鉢朝潭冷
嘯寒林夜壑哀欲向宗門傳一指蕭蕭松柏倚荒臺

濟渡菴在張家渡明徐穆記

見津渡志

鐵佛菴在小東門外明鄒元標建今圯

好生菴韋菴竝在太平山下今圯

六吉菴在株山橋明萬厯間知縣孫之益建

永思菴在五都元潭蟬坑為忠肅公李邦華祀先香火院

後有忠孝祠明崇禎十四年辛巳湖西道蔣如奇奉勅

建 國朝康熙中祠圯雍正十三年乙卯知縣張彤標

乾隆八年癸亥知縣徐大坤先後清釐立龕祀如舊

紫巖菴在紫原峽中有丈八鐵佛

錫菴在同水谷村祀孝友李士開

鹿苑菴在同水谷村祀副使李鹿南明鄒元標書南樓扁

額

淨名菴在六十二都明劉孟卿兄弟建藏神宗勅賜書

錦鱗菴在瀧洲明劉同升建

華嚴菴在城北今廢

法雲菴在北門外

紹隆菴在四都 孚慧菴在八都 萬松菴在二十三都

普度菴在二十八都 寶明菴在四十五都 清溪

菴在五十二都 萬福菴在五十四都 孚菴在五

九都 靖明菴在六十都 吉祥菴福緣山菴鯉魚菴

蓮社菴聚龍菴竝在六十一都 小祇園菴在六十二

都 勝龍菴在墨潭今廢

崇道觀在城北吳赤烏間賜額招仙宋改今名明永樂間

修胡廣記載失

崇元觀卽元潭觀在城北五十里晉時許遜治蛟於此治

劍鎮之

明鄒元標詩云扁舟古渡正清秋寶閣臨空翠欲流騎

鶴仙人詩尚在焚魚學士榻空留長松下吼蒼虬動壘

浪初翻白雪浮霜劍磨崖千古色振衣還上最高頭

又次韻詩云俎豆堂開繫所思丹楓露冷正秋時昔年

立雪人如在此日吟風客自知渺渺長川迷古渡悠悠

世路共心期庭堦不盡遲回意千載真傳爲語誰

李鶴田詩云舟維楊柳岸來拜晉英靈碑古龍紋暗劍

寒蛟血腥江春半篙綠山曉一樓青燈火旌陽殿鐘聲

過客聽 李元鼎詩云小島聊云寄崖蓮幾度開荒臺

餘晉履斷碣付秦灰洞老元猿嘯峰高白鶴回石橋能

渡否吾意在天台

朱陵觀在縣南八十里隋名洞巖唐賜今額宋胡銓與兩孫曰槻曰桀讀書其中元季銓裔孫鶴臯總觀事明永樂間胡裔蘭畹建復舊規葬臯於觀旁

玉真觀建道無攷

明趙興慶詩云萬山朝送獨崔嵬混沌何年爲鑿開壇近中天疑斗落雲迷半界似潮來欲尋紫葛醫凡骨更煉黃芽養聖胎願得巔崖早蘇息乘風容我上蓬萊劉敬伯詩云行行步山巔薄暮饑已疲山雨濕我足山風吹我衣夾道羅青松蕭蕭鳴何悲雷穴隱其下霹靂聲嬰兒痴雲縈田白遠近天燈飛滿空笙鶴聲夜半仙人歸

人歸

玉華觀在南嶺

明劉同升詩云清溪有靈氣一徑上疎烟捫葛涉石磴崇觀起層巔中有采真人其人秀且鬢長嘯激流風哀商徹鳴泉鸞鶴發孤響山水淡塵緣觀彼紅塵苦信此草堂元曠矣幽清意難與世人宣

集虛觀在縣北六十里明永樂初重建舊傳楊仙師冲舉處

延祐觀在同水谷村里人李槃割地建又有玉華觀明羅洪先於此講學

冲虛觀在二十一都 南華觀在二十四都 紫極觀在

二十六都 太初觀在縣北 扶松觀在西峒 天嶽

觀在天嶽山

北華仙壇南華仙壇竝在三都

明丁子堅詩云晨登北華山迢迢入雲霧長松數百株
夜半蛟龍舞羣仙安居藥殿深虎豹為衛何陰沉天風
冷然起西北紫元洞府雷霆吟白鶴將書過蓬島借問
安期今未老招之不來清晝寒瓊露霏霏濕瑶草羣峯
秀出南斗傍陰崖慘淡懸冰霜道人為我言神異高秋
每夜天燈光憑高一覽青天下上界樓臺迴瀟洒會當
揖見華蓋君授我長生握神化 曾榮詩云樓殿玲瓏
紫翠間尋真幾度到仙壇玉爐伏火黃芽熟瑶草吹香

碧巖寒半夜風雷歸洞府五更星斗掛闌干何當一訪

緱山侶天上吹簫跨鶴鸞

東山仙壇在一都 雷壇在二都 白鶴仙壇在三都

紫華壇在五都 大武壇在五十八都 金華仙壇中

華仙壇竝在五十九都 萬華仙壇在六十一都 浮

丘王郭仙壇在中華山

卷五十九終

吉安府志卷六十

寺觀志

永豐縣寺觀

永寧寺在一都唐貞觀二年戊子僧絕關創宋崇寧間修元廢明洪武間修嘉靖間復廢萬曆十八年以其地爲風雲雷雨等壇

報恩寺在西坊唐大寶間中書侍郎徐安正廬母侯氏墓以故宅爲寺元廢明洪武二年裔孫建塔寺右宏治八年修郎中傅韶記失載嘉靖間廢萬曆二十一年徐氏子孫重修割田贍僧有碑記詳縣志

按永豐縣志恩江條內載歐孝子寶廬墓與徐安正

廬墓自是兩事漢末佛法初入中國永豐未必遽有僧寺此云徐以故宅為寺乃唐時建則歐孝子廬墓曾寺傍明係訛舛茲刪正恩江一條併跋於此

石橋寺在縣前元大德間貢士傅躍鯉創建募僧住持尋廢明洪武元年戊申重建永樂間秀峯自樂住持今改

六一祠

隱居寺在西坊吳赤烏二年金陵靈谷寺僧紹曇創建精舍宋淳熙二年乙未邑東伍順秘修元廢明洪武二年己酉僧可山修天順三年己卯僧惠廣道成等修嘉靖三十三年甲寅改為祝聖道場崇禎二年己巳僧繼恩里人伍愚生修

延慶寺在北坊舊名福田山僧法宣開基水圮元至大間僧惟道重建明洪武二年己酉邑東劉仲謙徙建東坊更今名正統間仲謙孫務道修辛巳邑庠生佐明修宋董德元明宋原端皆有記俱失載

音樂院在二都唐貞觀間僧法亨創宋紹興間僧智寵修元廢明洪武三年庚戌僧應靜重修

小水院在四都宋紹興間僧梅溪創元廢明洪武二年己酉僧克志修

智林院在十八都唐天寶間遇源熊嗣興以祖務本葬院後起建佛殿施山田地贍寺僧明永樂間熊汝益等修袁才院在六都宋咸淳間僧普岑創元廢明洪武五年壬

子僧慈善重建二十四年併永寧叢林

興福寺在一都唐貞觀二年僧紫老建宋咸淳間僧若愚

修元廢明洪武間僧如淵修二十四年辛未立為叢林

僧會司正統十一年丙寅修佛殿及閣

北塔寺在三都元至正年間下西坊羅巖叔建明宏治間

羅伯端深槐光普體震修

寶福院在八都唐貞觀二年戊子僧法亮建宋乾道間僧

普照修元廢明洪武四年僧心田復建

龍回院在十四都舊名再興唐貞觀二年僧半閑建宋紹

興間僧先覺修元廢明洪武五年壬子僧慧明復建

慈光院在十六都唐貞觀元年丁亥僧法宣建宋大中祥

符間僧迪吉修元廢明洪武五年壬子僧本興復建張

映室記 詳縣志

觀音院在六都唐貞觀間僧九海建宋咸淳間僧道峯修

元廢明洪武三年庚戌僧曙靈修

西巖院在十七都唐貞觀二年戊子僧鶴庭建宋治平間

僧孤雲修元廢明洪武五年壬子僧月林修正統改元

僧無盡無量同建寶華院里人劉光祚招基址

寶惠院在十七都舊名新興唐貞觀二年戊子僧友雲建

宋景定間僧惠觀修元廢明洪武六年癸丑僧奇峰復

建

崇福院在十二都舊名三層宋元祐間僧白眉建紹興間

僧靜隱改今名元廢明洪武五年壬子僧紹貞修

東山院在十六都宋景定間僧繼勛建元大德間僧玉泉修尋廢明洪武八年乙卯僧子源修

藥師院在三都唐貞觀二年戊子僧法寧建末嘉定間修元廢明洪武四年辛亥僧惠觀重建內有石塔高數丈

宣德間僧萬川瑞慶修

廣濟院在二都唐武德元年戊寅蟾塘張宣義建明正統間張昭等修

靈山院在三都唐貞觀二年戊子僧法寧建元季兵燬明洪武三年庚戌重建

圓果院在三都唐貞觀二年戊子僧法寧建宋淳寧間僧嘉惠修元廢明洪武五年壬子僧悅初重修

妙樂院在十都唐貞觀二年戊子僧金鈴建元廢明洪武四年辛亥僧直祐修

新堂院在七都唐至德間僧翠巖建元廢明洪武五年壬子僧難用重建

甘古院在九都唐貞觀間僧蜀鑑建元廢明洪武五年壬子僧繼宗重建

菩提院在五都宋紹興二年壬子僧亨公建元廢明洪武元年戊申御史李雪憲暨孫謙重建

利濟院在五都舊名慶平宋咸淳二年丙寅僧雲谷建元至大間僧古雲修尋廢明洪武初僧願聞重建

香嚴禪寺在二十都元至大間僧智閑創大德間僧習澄
建後廢明洪武十八年乙丑僧茂林重興二十四年辛
未立爲叢林

明禪寺在十三都唐貞觀二年戊子僧白眉建宋紹興廢
遷於縣東元大德間復舊所明洪武間僧靈源建

郭山院在十三都唐咸通間僧本琛建元大德間僧和師
修後廢明洪武五年壬子僧草亭重興

化成院在十九都唐天寶間僧悅閑建宋咸淳間僧不偏
修元廢明洪武七年甲寅僧雲峯重建二十四年辛未
立爲叢林

塔山院在二十三都唐貞觀二年戊子僧法林建宋建隆
間僧寂師修元廢明洪武六年癸丑僧滿行重建

寶城院在二十一都唐貞觀二年戊子僧松林建宋乾德
間僧古溪修元廢明洪武五年壬子僧士靜修

臨江院在二十四都唐貞觀三年己丑僧志林建元廢明
洪武七年甲寅僧覺來修

閻溪院在十七都唐天寶元年壬午僧悅閑建元廢明洪
武八年乙卯僧大安重建

龍山院在二十八都唐天寶二年癸未僧半能建元廢明
洪武五年壬子僧惟心重建

靈泉院在二十五都唐天寶三年甲申僧紹廬建舊名禪
峯山有巖泉歲旱禱雨故改今名元廢明洪武九年丙

辰僧真呆重建

醴泉院在藤田市唐貞觀二年戊子僧宗勒建宋治平間僧法朗修元廢明洪武二年己酉僧隱師同繼田羅氏重建

石山院在二十七都唐貞觀二年戊子僧法智建宋皇祐間僧達師修元廢明洪武五年壬子僧碧澗重建

湧泉院在二十九都唐貞觀二年戊子僧維那建元廢明洪武十年丁巳僧梅溪重建 國朝順治八年辛卯劉

繼舜等修

大塘院在二十八都唐貞觀二年戊子僧宗勒建元廢明洪武二十年丁卯僧居隱重建

東山院在三十都唐貞觀二年戊子僧維那建元廢明洪武五年壬子僧永濟重建

香城院在三十一都唐貞觀二年戊子僧碧雲建元貞間僧慧空修元廢明洪武五年壬子僧慈濟重建

石泉院在三十四都唐貞觀間建里人龍孟常捐田膳僧明洪武五年壬子僧碧澗修

薦巖院在三十五都唐貞觀二年戊子僧碧雲建元廢明洪武間僧濟師重建

寶安院在三十六都唐貞觀九年乙未僧無學建元廢明洪武二年己酉僧孟規重建

良山院在二十六都唐貞觀九年乙未建劫上張學諭捐

田膳僧元廢明正統間張爾樂等重建

寶雲院在二十七都唐貞觀間僧法銓建元廢明洪武五年壬子僧慧空重建正統間僧發興等修

延禪院在二十七都唐顯慶元年丙辰僧宗勒建元廢明洪武十五年壬戌僧逸隱重建

萬壽院在三十八都舊名元貞菴元延祐間僧宜福建後廢明洪武元年戊申僧碧潭重建

沙湛院在三十九都唐貞觀二年戊子僧隱微建元廢明洪武五年壬子僧荆惠重建

藥師院在四十六都唐貞觀二年戊子僧法通建元廢明洪武五年壬子僧龍池重建正統間僧宏海等修

雙峯院在四十七都唐貞觀二年戊子僧通明建元廢明洪武五年壬子僧梅雲重建

嵩山院在四十九都唐貞觀間僧月鑑建明洪武五年壬子僧繼祖修

西隱院在四十九都唐貞觀間僧雲友建明洪武五年壬子僧惠雲修

桃林院在四十二都宋靖康間僧古照建明洪武五年壬子僧延文修

寶福院在四十三都唐天祐三年丙寅僧繼簡建明洪武五年壬子僧圓極修

石門院在四十三都唐天祐二年乙丑僧繼簡建明洪武

五年壬子僧延文修

回福院在五十三都唐貞觀元年丁亥僧隱師建明洪武五年壬子僧平湖修

寶林院在五十二都宋咸淳三年丁卯僧隱師建明洪武十年丁巳僧妙偉修

妙心院在三十九都元大德二年戊戌僧法偉建明洪武年間僧以清修

蓮山院在四十五都元大德二年戊戌僧古泉建

獅山寺在二十四都國朝順治三年丙戌僧印白建張

映室記詳縣志

福禪院在四十一都元大德二年戊戌僧法偉建後僧仁

山修

陸蓮菴在雙溪聶元纘建

螺師菴在一都宋紹興間僧普正建元廢明永樂十九年辛丑道人劉普興里人謝作霖等重建

慈濟菴在五都元至元間道人李景原建明洪武二十八年乙亥道人劉普興里人范天瑞建

白雲堂菴在十一都元至正間僧林濟建

觀音堂在十都車上李益夔建

清和菴在二十三都宋時建元廢

富華菴在十四都元至正間南坊陳元傑建明萬曆間嗣孫輔卿修

磨盤菴在恩江中流岸側有亭閣書院歐公祠一峯祠達於學宮上流復有橋跨之

東濟菴在水南又名南明山太常陳慶建青蓮菴在五都衆建

延祥菴在三十一都唐貞觀二年戊子聶延祥建元廢明初重建明末復廢 國朝順治十八年辛丑僧泉石重建

冲虛觀在一都舊名丹原觀吳赤烏二年道士高宜霄建世傳郭仙煉丹於此

按舊志云唐曹國夫人建改冲虛額宋崇寧間道士楊如元修元廢明洪武九年丙辰道士江漢川修永

樂間道士艾岳仙等修殿閣 國朝順治十八年辛丑道士張國正偕徒崑齡重建

崇元觀在西坊隱居寺左宋淳熙間伍順秘修建元至元間劉冲和修後廢明洪武五年壬子道會鄒賜谷重建元天閣

梅溪觀在三十三都吳赤烏元年道士曾楊菴建宋建隆初張靖虛修明洪武六年癸丑宋守元重建

石口峯觀在十一都舊名南鰲山元大德間道士張玉泉建邑人曾仍甫建真武亭後廢明洪武十九年丙寅張嵩高修李益春捐助

冲道觀在水南初名道安南唐保太二年里士戴鎬禮建

古安府志 卷二十一
紹興二十年庚午改爲冲道元廢明洪武初尹文舉重建

洪都觀在五都龍日華修煉之所舊名白鹿觀宋政和間道士楊均厚修改今額元廢明洪武四年辛亥劉默然重建永樂間道會印方正新玉皇閣

集靈觀在二都葛仙煉丹之所舊名奉仙唐天祐間劉守中修宋皇祐間呂冲霞修元廢明洪武八年乙卯道士劉益真重建

按隋煬帝遣太子讀書於此賜名燭山觀舊志疑是附會古蹟中亦有讀書亭遺址今皆削去附志於後中華山觀在十二都宋至和二年乙未道士聶洞中建元

廢明洪武十年丁巳陳白雲重建

寶慈觀在十八都宋宣和二年庚子鵠山進士張三俊張嗣先建道士鄒若海住持元廢明洪武二年己酉道士高凌霄重建正統間道士張宏惠等修

龍華山觀在二十六都元皇慶二年癸丑道士劉雅辰建至元間陳岫雲修後廢明洪武九年丙辰羅奎章重建泰和觀在二十四都吳赤烏間道士丁宏德建宋建隆間陳悟修元廢明洪武二年己酉黃棲碧重建

佑聖觀在三十八都漢時太守張修道爲神里人曾學益以龍尾園建佑聖堂奉之後道士朱守經劉東海等重修明洪武二十四年辛未立爲叢林

同華山觀在七都宋宣和間道士羅所適建元至元劉守
愚修尋廢明洪武間羅開仙重建

西陽宮在二十八都後有文忠公祠宋元以來屢加修理
吳澄記明正統間贊禮郎張道原重修

記云文章之傳世雖聖賢之餘事然其盛衰絕續之際
實關係乎天地之氣運周秦以前尚矣先漢賈馬二子
以來八百餘年而後唐有韓子韓子以來三百餘年而
後宋有歐陽子天之生斯人也固不數也以百世之下
萬口一辭稱爲文章之宗工尊其文則尊其人尊其人
則敬其親苟敬其親也則敬無乎不在而况其墳墓所
在乎此予所以不能已於西陽宮之記也西陽宮者何

歐陽子之親之墳墓所託也昔韓子三歲而孤先世墳
墓在河陽時或往省歐陽子四歲而孤二親俱葬吉永
豐之瀧岡終身不能一至蓋其考崇公官於綿而生子
官於秦而遠終妣越國太夫人鄭氏以其子依叔父隨
州推官粵一年崇公歸葬於吉葬後還隨歐陽子年二
十預隨州貢二十四登進士科歷仕至江北及留中朝
年四十六而太夫人喪次年歸祔崇公之兆葬後還頴
崇公之葬距越國之葬踰四十年越國之葬距文忠之
薨又二十六年六十年間欲如韓子之一省墓而不可
得其墳墓之託幸有西陽宮焉宮在永豐沙溪鎮之南
舊名西陽觀莫詳何代肇創宋至和乙未道士彭世昌

起廢掘地得鐘識云唐貞觀三年己丑西陽觀鐘崇公諱觀聲異而字同乃請於朝改觀爲宮宮之後有祠堂合祭崇公父子阡表世次二碑豎於一亭中間祠堂敞里人陳氏新之淳熙丙午誠齋楊先生爲之記其後堂復敝陳氏子孫重葺咸淳丙寅巽齋歐陽先生爲之記莆田萬侯崧卿守吉出錢十萬命邑尉陳元勳修築瀧岡阡之門牆與紹興辛亥艮齋謝先生記其事尤爲該備獨西陽無片文可稽祠堂初記丙午至今一百四十四年矣祠堂續記丙寅至今亦且六十四年矣而宮之道士鞠文質始遣其徒蕭民瞻來請記建宮本末民瞻之言曰宮面山枕溪拱抱明秀金華桃源翼其左龍圖

鳳岡峙其右地之廣袤六畝而縮禮神安衆室屋具完宋南渡後道士賜紫者四劉師禹陳宗益彭宗彥曾若拙也田之歲入米以斗計三百而贏則宮之可藉以永久者田也而予竊有慨焉嘗聞諸禮士之去國止之者曰奈何去墳墓也子路去魯顏子俾之哭墓而後行然則古人未嘗不以不得守其墳墓爲戚也而唐宋二大文人栖栖無所於歸末年就京就穎而家悉不得歸近墳墓豈其心之所樂哉今瀧岡之阡歲時展省如其子孫者西陽宮道士也據禮之常揆義之正雖若可歉倘非歐陽子之文上配韓子如麗天之星斗光於下土與天無極而人之尊仰推之以愛敬其親者亦將與天無

極則亦何以能使其親之得此於人哉夫能使其親之得此於人也其不謂之孝子哉夫得謂之孝子也而但謂歐陽子爲文人可乎哉噫此予所以不能已於西陽宮之記也天曆二年九月甲子

福華山觀在三十九都元至元間道士吳中正建後廢明洪武十五年壬戌道士童大定修

安福縣寺觀

尊勝寺在縣治西唐僧慧建明洪武間立爲叢林統院六曰崇福曰重興曰南臺曰延福曰白雲曰瓦棺李時勉有記失載

古靈泉寺在縣南僧千月復興年代無攷

古蓮山寺在縣北年代無攷古有嘯月臺石門瀑布

按昔有破也徹和尚闢地獲古爐巨礫詢父老知爲舊刹後成叢林

國清院在縣治東唐建統院九曰大和曰國善曰唐興曰福聖曰唐溪曰真寂曰普滿曰淨行曰淨悟

按福聖有唐仙女吳彩鸞種羅漢柏嘗入小室七日寫法華珠林經百二十卷一夕不知所在所書經卷紙連處至今不絕故又名神仙院 又按縣志統院九福聖在所統中而通志以爲國清即福聖舊名則實止統院八也又此院以後至寶珠院縣志俱作寺今從通志槩作院

靈峯院在縣治南唐僧德建宋楊萬里記失載統院十曰
拓仙曰麻仙曰興崇曰厚逢曰重興曰甘泉曰地藏曰
石泉曰新興曰南泉

香積院在縣永嘉鄉唐僧端建統院十曰臨河明正德間
僧光華修曰華巖明宣德間掘得銅鏡銅鈴曰栖真在
天臺山下曰崇福在寥塘明王學夔記失載曰因果曰
廣明曰南山曰貝陽曰臨江曰五峯

文江院唐僧順建統院十曰集雲曰行宮曰圖坪曰尊慈
曰靈壽曰嚴塘曰長慶曰龍果俱不詳年代曰白雲僧
白雲建曰九龍僧寧州建

按圖坪集雲白雲九龍四菴爲武功山巨刹名人遊
詠甚夥各志俱以文江院統之今文江院亦無可攷
統院十半不在武功山內姑仍各志以圖坪等庵附
之另於庵類採武功山志詳圖坪等庵建置詩文又
箕峰庵尤武功之著者并標識以存勝概

白竺院唐僧文建統院五曰敬仰曰度門曰頂泉曰高臺
曰定光

富池院唐僧琛建統院八曰寶雲曰樂讀曰廣教曰水南
曰資臨曰白雲曰梅溪曰月山

明彭日起月山寺詩云雨送微涼入梵宮依稀人在翠
微中遠隨樵語通蹊徑潛聽笙鳴帶谷風鐘過林端鳥
欲醒竹搖窗外花初紅更深月轉不知夜松影密移溪

水東

保安院宋僧奘建統院九曰待度曰資福唐勅建曰因果

曰長慶曰陽邱曰南禪曰福田曰永興曰長壽

宋楊萬里待度寺詩云一別重來十五年殘僧半在寺

依然黃楊當日絕低小已過危簷欲拂天

寶珠院宋僧義建統院八曰嶽興曰百福曰常樂曰東華

曰廣恩曰寶乘曰石雲曰東山

心菴在縣城東僧煥然建

圓照菴在南城外僧不波建

雪笠菴在南城外顏方伯欲章建僧發光又建講經臺

年代俱無攷

圖坪菴在武功山明洪武間史谷蟾建

明張鰲山詩云邃谷羅羣峯長橋卧彩虹沿溪不見日

到寺始聞鐘竹戶啼蒼狖潏淵泰白龍土風重禱祀靈

蛻仰蟾翁 張程詩云地勝非因武山靈故駐仙塵氛

青嶂外樓閣白雲邊圖畫自成象陰晴別有天還聞丹

竈火猶是赤烏年

箕峰菴在圖坪上明洪武間史谷蟾建

明陳道詩云月輪天中懸箕峰插天起涼籟散陰壑流

光瀉秋水主人坐前軒道氣寂如洗默默千古懷悠悠

誰與語 沈鐘詩云箕峰箕峰何龍從頭翹翅鼓膽氣

雄無乃造化刻畫奇且工清秋夜半月明中恍若飛舞

摩蒼穹安得往御列子風憑陵絕頂俯視塵壤猶蟻螻
張程詩云半晴半雨午後天一邱一壑雲邊路採芝
處處得靈苗猶把丹書圖太素天風吹下白雲臺珠並
瑤花足下開爐峰一片白雲生蒼狗變態絕塵埃中有
紅日嵌金光恍惚縹緲飛仙之蓬萊箕峰竒絕出雲中
呼吸之氣與天通看君白日生羽翰並躡層霄萬里風
張鰲山詩云壑轉青天豁仙人窟宅尊中天逼象緯
列宿俯兒孫線引清霄迥絃鳴萬籟喧長空月靜處海
日動朝暎

集雲菴在武功山吳赤烏間建題曰小桃源元至元丙子
普立修葺更名集雲明李廉記

記云安成以仙名山者有浮山之魏洞陽之黃清化之
胡武功之葛皆著於圖經而莫盛於武功或曰大江西
南三巨鎮衡廬武功也武功以僻遠不見經傳不得與
衡廬並顯然究竟脊脉則實首衡尾廬而屹然高聳雄
據荆吳之間謂之三巨鎮亦宜其最尊白鶴峰白鶴仙
人所止望之隱隱中天雲雨皆在其下東南則空同諸
山西北則長沙之水一髮空際蒼茫無極峯頂有厓崕
岬洞嵌可容數百人或窺觸之則震雷隨至巖之下竒
石萬狀石牀丹室列奠雜峙乳香靈藥雪竹龍草黃精
仙茆居人皆攀援梯繫以入然不可褻蓋龍湫風穴環
衛出沒晦明變化在倏忽頃菴址舊曰小桃源前有金

燈檠生成石稍上爲棋盤石又上有元煉丹竈或曰壚
底尚存也後有大小箕峯峯隱約仙翁大士像有石若
盤三伏有水則其歲不早側有投籙簡者從之若授受
然使得如孫興公蕙子瞻一過從之豈不與天臺羅浮
並耶其隸袁者有石笋厓洲崖亦奇勝水西出亦爲瀘
下六十里爲秀江云

元賀守約詩云勝日武功山下路碧桃花落澗泉肥道
人新構雲邊屋童子猶看劫外棋緱嶺風清笙鶴遠昆
池灰盡石龍飛此行欲借薇垣露爲寫重遊壁上詩
明鄒守益詩云興來拄方竹獨往不知止童冠相追隨
更入碧雲裏峭壁插天末古木舞烟雨怪籐糾蛇龍爲

問幾甲子疑是洛水前蒼苔掛樹尾俯視山腰白滄海
渺無涖林影如鰲背出没方壺嶼拍手命元鶴羣真更
何許石枰凡幾局秦項一逝水小橋轉青灣幽殿閒徒
倚君看隱霧豹肯作負塗豕 王學夔詩云衝霧尋危
磴披襟納曙曦轉高山盡小漸濕路還脂葉下無棲鳥
林深有息龜朗然天際濶誰可此相宜 楊允詩云三
間蓬草壓頭低四壁新編未着泥昨夜家僮忘閉戶白
雲直到榻前棲

白雲菴在集雲菴後舊名白法僧白雲建隱之續修更名
白雲未詳年代

宋白玉蟾詩云宿霧戀喬木落花粘瘦枝鳥聲人靜處

山色雨來時霽月成相約涼風解見知僧房安一枕海
氣濯冰肌

九龍菴在武功山絕頂距雷巖十五里明嘉靖間僧寧州
建

明鄒德溥詩云杖到山窮處忽聞祇樹林巖空松月淨
磴古辟雲深野鶴棲青竹胡僧卧碧岑真心觀太始靈
籟夜沉沉

洞淵延真觀在縣北門外晉劉悟真建統觀六曰魏仙冲
虛曰洞虛曰壽昌曰崇真曰祈仙曰上城

按武功志云宋時有異人自福建來以符藥療民病
民感其惠立洞淵閣歐陽原功記失載

東林觀唐姚虛建統觀六曰清風曰延真曰拱北壇曰神
風閣曰天乙曰洞仙呂巖過此有詩失載

上城觀宋羅善同創統觀五曰北真在縣南五十里宋胡
銓元劉霖有記失載今名飛巾閣見古蹟曰元陽唐勅建

曰迎仙曰廣福曰九真俱不詳年代
凌空閣在縣治鳳林橋北僧能宗建不詳年代
龍泉縣寺觀

法濟院舊名南臺在六廂宋祥符二年己酉僧妙有建治
平二年乙己賜今額明洪武元年戊申僧道祥重建

聖壽院在五廂宋明道二年癸酉僧傳心建明洪武六年

癸丑僧勝全修

寂光院在四廂宋淳祐四年甲辰僧恕安建明洪武二年
己酉僧淨惠修

橋菴舊名濟川在七廂濟川橋左元元統二年甲戌項時
用建明洪武四年辛亥僧契原修改今名濟川浮橋歲
壞修葺皆是菴總理正統五年庚申項棊捐貲僧圓榮
重葺

尊勝寺在七廂宋淳祐二年壬寅僧文應建明洪武元年
戊申僧蘊德修

下龍池寺一名中州院在十一都宋淳祐二年壬寅僧文
應建明洪武二十一年戊辰僧克明修

仁王寺在十五都宋淳熙間僧紫不建明洪武四年辛亥
僧印惠修

福勝院在十六都舊名尊勝閣宋淳祐間僧本空建明洪
武元年戊申僧惟彰修正統五年庚申僧福誠重建

正覺院在十八都唐末建原名龍福宋乾道元年乙酉勅
賜今額明洪武三年庚戌僧永定修永樂元年癸未蕭
永恭江觀誠李如心重修

南資福寺在二十都宋至道元年乙未僧雲峯建明洪武
元年戊申僧應瑞修

真泉院在二十一都宋天聖七年己巳僧碧巖建明洪武
三年庚戌僧彌滿修

東山院在二十一都宋皇祐四年壬辰僧廓然建明洪武

三年庚戌僧用行修

鷲嶺院在二十三都宋明道二年癸酉僧嗣遷建明洪武三年庚戌僧彌峯修宣德四年彭萬鍾重修

雲仙院在二十四都宋元祐二年丁卯僧嗣遷建明洪武三年庚戌僧梅窻修

上方院在二十五都宋景祐二年乙亥僧奇峯建明洪武三年庚戌僧法淨修

太平院在三十都宋慶厯七年丁亥僧了悟建明洪武十年丙寅僧常清修

長壽寺舊名永定在八廂梁大同三年僧勝孫建五代知場事李孟俊子德晏為僧捐所有田地入寺宋天聖九年

年改今名明洪武元年戊申僧契先修永樂二年甲申

僧契原修十九年辛丑邑人蕭存中修前殿景泰七年

丙子僧用鑑修 國朝順治元年甲申李必睿修雍正

九年辛亥李公梁修

羅漢寺在西北坊宋嘉熙元年丁酉僧了傳建元至元三年丁丑黎應文修明洪武十五年壬戌設僧會司署於此

隆興寺在城北金山下宋建隆三年壬戌僧無極建 國

朝康熙元年壬寅僧潤生修十三年甲寅兵廢僧明綵重建

北資福院在三廂宋建隆三年壬戌僧古梅建明洪武二

年己酉僧福泰修景泰元年庚午謝汝泉兄弟同建觀音閣宋元豐時黃大臨宰龍泉蘇軾枉道相訪寓宿是

院有詩蘇訪黃事未確詩疑有訛不載

天竺院在一都宋開寶元年戊辰僧梅溪建明洪武元年戊申馮原昭修

戒品院在一都元至大三年庚戌僧清林建明洪武元年戊申僧了逕修

松山寺在二都宋乾德二年甲子僧耐峯建明洪武三年庚戌僧志能修正統六年辛酉謝子寬等修前後殿景泰六年乙亥謝汝泉等建觀音閣

演法院在六都宋雍熙間僧竺林建明洪武三年庚戌僧

良能修

資教寺舊名金輪山在七都雩溪里唐時建宋大中祥符元年戊申勅賜今額嘉祐二年丁酉僧守聰修邑人蕭佐記明洪武時寺廢永樂元年癸未僧福生募里人彭用威重建泰和蕭鎡記均載縣志

曆壽院在九都元大德元年丁酉僧默堂建明洪武三年庚戌僧良金修

寶福院在二十九都唐貞觀十年僧曇淵建明洪武元年戊申僧契原修永樂十一年癸巳僧圓常重修

大若寺在三十都鄔溪宋寶慶二年丙戌僧淵建明洪武二年己酉僧彌旭修

興福寺在三十都廖坊宋慶歷八年戊子僧興雲建明洪武十八年乙丑僧濟川修

臨溪院在三十三都元至元十七年庚辰僧性悟建明洪武三年庚戌僧郁川修

報恩寺在三十四都宋嘉熙元年丁酉僧了悟建明洪武二年己酉僧明哲修經朱高李三姓復修改名五演寺

新興院在三十三都永蜀宋咸平間僧月鑑建元至正年間僧郁峯修明景泰元年庚午馮南金復修

福壽寺在三十五都宋乾興元年壬戌僧希通建明洪武十年丁巳僧廣通修 國朝乾隆九年甲子里人高鄒

郭三姓重新

隱居寺在一都官坑明洪武間李孟俊子孫建久廢

顧橋菴在銀山

詳古蹟

獅山菴在石獅山下久廢 國朝乾隆五年庚申僧清志

買地新建併置田租里人周繼光記

載縣志

蟠龍菴在縣西溪水南宋末建兵廢 國朝雍正九年辛

亥僧慧文祥靄募貲重建里人周繼光序

載縣志

護橋菴在縣西久渡橋西 國朝雍正三年乙巳里人修

復久渡橋因建是菴護之

龍吟觀在縣署東原名奉真壇唐貞觀間建宋紹興二年

壬子燬慶元六年庚申侍郎孫逢吉修改龍吟觀元至

正十二年壬辰兵燬道士宋鶴山王一峯蕭一閑等拓

址增修明洪武二十三年庚午道會李居辰蕭九和重建廬陵謝矩記正統九年甲子道士李碧梧梁若清重修今廢

謝記載
縣志

泰霄觀在六廂唐貞元初建名太乙仙壇宋建隆初遷三都新林淳祐七年丁未移縣東銀山景定元年庚申知縣陳昇作梓潼祠文天祥記元至元五年己卯兵燬明洪武三年庚戌道士羅如泉改建今所宣德三年戊申道士王肇倫募修正德間道士蕭智誠復募修

文記云龍泉邑治左出門行數百步有泰霄老子宮焉辛酉之春予登其巔四山拱趨天宇高曠會令方營度作梓潼君祠邀予爲字曰元皇之殿既爲從事六月殿

成以書諭曰役之初興君實來辱爲之書請卒記之已爲吉上游山川清拔民秀而文天聖以來高科鼎出有位至侍從以忠直自奮尚論文獻者歸焉維柳實按壤桴鼓數震令初至適江上有警柳寇益乘以譟周旋軍旅不得以間事平令謂吾幸爲禮義邑雖倥偬不容不爲俗化地况少須暇乎稽諸圖志庭廟鱗立吾黨之士獨無所敬祀會賓興詔下乃進諸生謀曰今三歲大比試者以文進將文而已乎意必有造命之神執其予奪於形聲之表者蓋元皇是也士之所自爲行爲上文次之神所校壹是法合此者陟違此者黜人謂選舉之權屬之有司不知神之定之也久矣蜀山七曲神所宅之

國衣冠文物莽為風塵惟神元命實始吳會陰靈赫赫
將從君父所在而依之是以江湖以南神跡多著此固
士之所當欽崇而景仰者舍而不祠惟缺典是懼議遂
決予按詩曰相在爾室尚不愧於屋漏又曰昊天曰明
及爾出王昊天曰旦及爾游衍夫人一動之微必有神
明焉得其情於幽隱易肆之地茲其所以體物而不可
遺也惟經傳統謂之神未有所指名近世貴進士科士
以得失為病自元皇廟食於是始有司桂籍之說化書
所謂九十四化變遷推移曠千百歲雖涉於不可測知
然神生為忠臣孝子歿為天皇真人取士本末實昉於
人心義理之正明有禮樂幽有鬼神果哉其不誣矣其

在祭法苟有以明民成教宜與祀典則神之有祠豈繼
黃之宮之埒邑有先民典型大冠縫掖爭志策厲為臣
止忠為子止孝此其內心固油然而不自己而况高山仰
止明神在前則其戒謹恐懼工力當倍他日拔起諸生
彬彬知名則居公卿大夫之位必將有仁義忠信之人
今之此舉於人才甚有功於方來世道非無所關係豈
曰以區區科目望其人而惠徼福於神之一顧哉祠翼
殿以廡丹堊具鐘鼓供器如式像設居中費錢七十萬
有奇十萬為令俸餘哀多迄於城觀下古曰龍頭里因
其名為坊匾額校書郎姚君勉筆也令方為遠者計廉
用積餘市田以奉祠事繼今邑之士其受令之賜永永

無斃令陳氏名昇三山人初攝事繼辟今任云

冲道觀在二都唐末道士李伯松建宋紹興元年辛亥道士朱貴常修明洪武三年庚戌道士蕭拱圓修正統十一年丙寅里人謝子寬修 國朝康熙二十六年丁卯水潰里人謝二水遷舊址北雍正四年丙午僧德智又遷卜村謝家洲壬子水復冲乾隆二十二年丁丑僧惟韜募邑人謝昌言重修

景雲觀原名寶臺觀在五都唐貞觀間道士本遂建宋治平二年道士郭守忠修易今名明洪武二年己酉道士李洞觀修永樂九年辛卯道會羅廣陵重建正殿今廢紫陽觀在十二都宋咸淳二年丙寅郭忠臣建匾曰崇真

道院元延祐四年改今名至正十八年道士郭丹泉等

重葺明宣德五年庚戌道士尹務元復募修泰和蕭鎡

記載縣志

招仙觀在三十五都元至元間道士稽古建明洪武三年庚戌高宏達高存性修 國朝乾隆八年癸亥里人高世慶高慶元鄒尊德鄒世德郭敬德等重修

仙山觀在二十七都米嶺王褒郭如二仙於此煉丹有泉號王郭仙泉泉旁有石如龜宋靖康間有二道流創造道菴元大德六年項雲叔重建明正統十四年里人復修

萬安縣寺觀

定慧寺在射洲唐時建寺有孫吳赤烏鐘北宋開寶塔劉
文介詩云夜靜月移開寶塔曉寒風送赤烏鐘

香林寺宋儒周子通判虔州時嘗飲餞趙抃於寺有唱和
詩

周詩云公暇頻同塵外遊朝天今復送行舟軒車好共
入山脚旌旆且從泊渡頭精舍泉聲清瀼瀼高林雲色
淡悠悠談終道與難言去明日瞻思獨倚樓 趙詩云
顧我入趨崑闕去煩君出餞贛江頭更逢蕭寺千山好
不惜蘭船一日留清極坐來無俗韻道通何處有離憂
分攜豈用驚南北水濶風高萬木秋

按香林寺舊志失載今據邑人黎奎記採詩增入

芙蓉寺在芙蓉門內寺僧有從宋丞相文天祥勤王者其

詩云時危且作將事定復為僧

文山集

賢居寺初為涵山寺唐時勅建傍有龜凍泉杯渡禪師飲
之嘆曰泉有翰墨香後當有賢儒居此因易今名宋劉
辰翁明解縉鄒守益羅洪先先後會講於寺果符杯渡
言

白雲寺在邑二都唐時建有紅白二塔宋朱子嘗過寺榜
曰雲興書社元時寺北塔廢明洪武間鄉人復修隆慶
間知縣王圻改為雲興書院立石以誌明末書院廢土
人仍稱其地為白雲寺 國朝乾隆間知縣凌應蘭得
舊石記倡復雲興書院

吉安府志 卷六十一
三惠寺在梁口宋嘉定間建文天祥勤王兵次於寺書都督行府於門一夕雷電交作撤所書行府字天祥心動引兵他往平明元兵猝至

固山寺在十一都宋文天祥施建庄田劉子欽記失載舊志載宋熙寧文天祥施庄田按熙寧為北宋神宗年號今刪之

智勝寺舊名通天石在黃塘巖宋嘉定時勅建 國朝康

熙四年超悟禪師退隱石鼓洞邑人施田贍寺知縣胡樞守備康共捐修

興隆寺在縣東興隆山僧巖宗建

圓通寺在龍泉鄉唐開元間創

清泉寺有二一在永和鄉宋嘉定間創一在誠信鄉不詳所始

定明寺在誠信鄉宋紹興年建

海智寺在龍泉鄉宋至和時建

南臺寺在龍泉鄉宋嘉定時創

太平寺在縣治北

此外各寺俱無可徵詳縣志

眉月菴在縣西門對江蝦蟆渡口 國朝康熙間邑人郭

大琦修舊志未載今增

迎雲菴明邑舉人郭鼎忠創立書院後改為菴 國朝康

熙三年知縣胡樞重新

留慈菴在城南門 國朝康熙間軍民共建祠祀守備康
共今改祠爲菴

八角菴初名八角亭明司寇郭子章嘗講學於此

栖霞菴山腰有亭知縣胡樞顏曰能開

紫桂菴距縣里許又名桐梓坪莫詳所始其地桂開皆紫
色故名

此外僧舍詳縣志

精修觀在縣治北大橋側唐開元間道士李善珪建宋宣
和初真人趙元陽道行顯著劉淵然彭九萬梁高明從
之後元陽尸解淵然亦以道著明永樂中封長春真人
東華觀在縣東第一都元末道士許月評建明洪武中寇

至道士彭九萬禱神禦之寇不敢燬學士錢習禮記

失

國朝康熙間知縣馬之驊捐俸修

集真觀在七都唐道士蕭道成建

佑聖觀在二十三都宋道士曾務實建

隱真道院在三十三都元道士詹存玉建

永新縣寺觀

松林寺在縣北二十里吳赤烏間創 國朝康熙十八年

己未僧妙印建

禾山寺在縣西四十里舊名甘露寺內有三相堂唐顏真

卿書龍溪二字鐫石崖宋司業龔源有三相堂記

見縣志

寺久廢 國朝康熙間曾開一重建

明劉寅之詩云芒鞋三月過龍門得入名山禮世尊五
老峯高青漢逼千僧釜在白雲屯奔泉落峽鯨鯢吼巨
石當空虎豹蹲荒跡無久問昔相松風入夢憶澄源

東山寺在縣東一里宋太平興國年建元季兵燬明洪武
間僧無詰非空修永樂間賜勅命嘉靖間僧廣錫建千
佛閣隆慶間僧承紀建清風橋 國朝康熙四十四年
乙酉僧定宗修後殿前有空月東山清風三亭今爲僧
會司劉光震有記

見縣志

明龔錫爵過東山寺訪洞老宗伯詩云投馬入招提林
深磴道迷暫容安石卧可是道林棲淨界超非想清言
遠俗蹊已能忘去住那復厭攀躋 尹臺次韻詩云淨

樹隱菩提雲深梵閣迷數花開佛供一鳥下禪棲永結
邱中好言尋象外蹊何期鳧鳥降更共鷺林躋

梅田寺今名圓通寺在縣東

廣果寺在縣南尹日中修

半星寺在縣南即古正覺院久廢復建於半星峯下改今
名

梵慧院在縣南二里有毛炳讀書臺

護國禪院在城內東關 國朝康熙三十年辛未知縣趙

作霖建捐俸置田張洽記

見縣志

尚山菴在縣南六十里梁慈雲祖師道場後僧德樹復興
邑人龍科寶爲刻尚山志

仙復菴古名蕉林在縣南明天啟間建 國朝雍正元年
癸卯僧霽月募修縣丞王輔記

記云仙復菴古蕉林也因仙降乃更今名後倚仰天湖
天將雨湖滄然出雲右爲鳳山兩翼欲飛泉出篁竹之
間石竅七飲之味淡而永前有洞林坐其下輕風吹人
衣環蕉林而瀉者玉帶泉也泉聲乍大乍細如奏宮商
小橋曰枕流謂聽之可以洗耳也由橋步入不二門蓮
花座大士在焉閣則仙之所降者也登閣而坐青山在
上流水在下白雲來往於几席地雖僻而有烟波千里
之勢兩樹高古就樹爲軒曰予一樹出屋之上諸子對
花展卷書聲與花香隨風出樹間耳目所接如從方壺

員嶠遊也丁巳予署縣問俗至此心異之噫秦漢求仙
於海外而不得今偶從人間得之可無記乎築是菴者
曰龍子魯青賀子待人

雲龍菴在縣東五里騶岡下即古龍迴菴

高峰菴在縣東義山小岡明宗伯尹臺建釋受峯所居

國朝釋宗忍說法於此

昊天觀在縣城內東街古二聶真人道場

紫霄觀在縣南山元大德間邑人劉南可建屏山書院後
改爲觀

東華觀在縣東一里有先月軒讓雲軒東華樓元季道士
文月堂嘗結菴其上州判薛均用創樓觀居之

明解縉詩云山踞東華虎勢雄俯看城郭笑談中樓臺
影倒一江月松檜聲傳萬壑風賓館茶煙凝座紫仙房
丹火隔林紅素疑弱水環蓬島今日方知有路通 李
伯尚詩云仙家樓殿倚青冥赤火流金衛六丁地近雲
霞常杳靄夜寒星斗倍晶瑩驚猿墮木霜鐘急宿鷺爭
巢晚樹腥深洞碧窻如不鎖願來掃榻讀丹經 王臣
詩云山勢岿嶷半插空危峯遠瞰楚天東隔窻環珮鐘
聲裏近水樓臺波影中百尺青松巢鶴鶴半輪明月浸
簾櫳紫微閣上星辰近疑是蓬萊第一宮 彭約詩云
花繞仙巖水繞門依稀風景似桃源迴廊曲處無人到
一犬依雲卧竹根 李禎先月軒詩云纔覺黃昏便倚

欄冰輪蕩漾綠波間梅痕印紙窻生白松影侵簾戶不
關鳥訝巢明棲復起人憐夜好倦猶看寰中莫道皆塵
土此處還應似廣寒 張叔豫先月軒詩云近水軒窻
晚更宜馮夷似與素娥期江生微魄簾初捲樹礙清輝
席屢移涼影含風醒醉夢斜光引露沁詩脾道人夜禮
羣星後看到漁舟罷釣時 李時勉讓雲軒詩云閒雲
多在山山深雲不去中有學仙人凌雲獨飛步仰挹河
漢流俯瞰崑邱樹下視滄海潮蓬瀛在何處但見浮雲
飛風驚不能駐昔時簷間宿卷舒應同趣變化成倏忽
去來欲殊路茫洋任爲霖慎爾天瓢注朗然歸巖壑斂
跡不相顧儻遇洪崖仙仍乞雲巢住 周忱讓雲軒歌

云道人本是浮雲侶身與浮雲同棲住清曉相攜出岫
行黃昏作伴歸巖去有時偃卧小軒前分雲半榻共高
眠有時行吟過松塢雲在松間亦延竚揮毫或寫琅函
章雲絢五色成輝光飛符或欲祈甘雨雲逐颺霆向空
舉雲兮雲兮本無心道人自許相知深白衣蒼狗從變
化歛忽上下誰能尋中年住向巽峰下獨占巽峰作茅
舍猶讓半峯借雲棲長日看之作圖畫 劉髦和李方
伯登東華樓詩云層巒傑構竝崔嵬隔水紅塵淨不來
鐵笛一聲雲外落月明疑是列仙回 屏山玉立接旂
竿西北羣峰次第看李愿倘成盤谷隱幽棲吾欲傍江
干

北華觀在縣東觀前有中州渡明永樂間大社劉凝碧施
田入觀收其息造船以濟

端威觀在縣東一里明初劉定之讀書其中有斗室升虛
樓等記萬歷間道士張宗洋修

斗室記云斗室者端威觀道士某之室余所寓居者也
橫縱俯仰皆僅丈許覆而穹窿焉履而坦夷焉皆以板
環顧而皎焉皆以素飾壁啟兩扉於前夾以橫窻窻扉
之下但以爲坐立之倚而別有出人之戶焉其外就樹
陰下爲粉牆畫以山水輕舟縹緲有洞庭君山之許仙
者往來之趣蓋其室雖小而所觀之遠有如此者道士
之爲也而余日夕讀書其中忘其所寓之小而別有存

夫遠且大者又余之獨得而彼莫能與也迺從而歌之
曰起樹間兮風聲月窺牖兮鶴夢驚羽客兮步斗何環
珮兮鏘鳴客有過而續之曰維斗寒芒兮帝車孰高攀
兮天衢悵歲月兮云邁尚有待兮卷書宣德元年春
升虛樓記云余與從遊者僦居道士龍清樓室雖小而
實高登之者若升於碧落太虛而笙磬玲瓏皆俯瞰焉
至於烟樹蒼茫萬家之邑皆可目接又限以清溪塵囂
不及因命曰升虛嘗聞長老言此地昔爲邑大家御帶
張所居石澗遶舍珊珊有環珮聲作亭其上與客流觴
鑿石池畜金鱗魚綠毛龜紅蕖碧荇間居照影遊戲則
斯樓之下是也其後張族從文信公起兵勤王不克死

之爲荒烟野草幾何年矣老氏之徒乃來作宮壯麗畧
相及而無其貴富之娛樂又不知幾何年焉蓋其爲故
家爲道院皆暫寓於此地而予與數子又暫寓於道院
其可常乎雖然求其常存在乎人焉獨不宜相與勉之
乎後將有以其聲光託山川爲永久而或茫然以爲林
慙澗愧寂不足道與草木共腐皆不可知余宜與數子
內省而懼焉乃記之并次第其氏名於左曰予弟寅之
主敬曰劉昇幼顯龍需邦舉吳約處博陳榮敦仁陳觀
萬瞻陳泰通夫凡七人

明尹臺題端威觀張道人宗洋南室詩云近市浮煙積
背林寒日陰青山疑勸酒黃葉似招吟千古濠梁意十

言安府志 卷六十一
年魏闕心還丹如可問吾欲此投簪

觀音閣在城東門外河岸 國朝順治間知縣王登錄建
置田五斗中有釣崖金星石諸景傍有亭每年夏秋施

茶

浮玉閣在城東北江心後有文星閣前題小瀛洲明萬曆
丙申知縣余懋衡與邑紳龍崇志等倡建 國朝康熙
十二年癸丑知縣陳野修葺雍正十年壬子水決前臺
庠士陳智言倡修

永寧縣寺觀

蓮花寺在縣西南五保皮江宋紹興間青原僧元公建明
洪武十一年戊午僧見源修

按元公過皮江夜聞數里外有鐘鼓音明旦往視之
見陸地生白蓮花二朶遂建寺於其地

青銅寺在縣西一保唐貞觀間僧智萬建元大德間僧明
空修

大益寺在縣西南二保宋淳祐間僧碧潭建元至正間修
曲觀寺在縣南四保宋政和元年辛卯僧懷閣建明洪武
五年壬子僧心閑修 國朝康熙二十一年壬戌張族

重修

彰聖寺在縣西南六保宋寧宗勅建

按邑人謝彥昇運糧二十萬赴黃州接濟軍儲諸鎮
資其食者以事聞宋寧宗召見授行軍總管固辭弗

就厚賜金帛勅建此寺施田二十五石膳僧

游撫寺在縣西二保宋紹興二年壬子僧志遠建明洪武

七年甲寅僧如心修 國朝康熙二十三年甲子僧智

睿遷四保何橋村

月溪寺在縣東九保唐中和二年壬寅僧譽武建明洪武

七年甲寅僧廸公修

永福菴在鷺公嶺新寧分界有日望亭前邑令戴振河捐

置田畝與廻碧亭之永福寺分上下兩寺僧徽音重修

僧應理改建

按永福菴有二又有永福寺

永福寺在六保廻碧亭 國朝康熙年間邑令戴振河捐

建寺與七溪嶺永福菴分爲上下兩寺雍正四年丙午

僧又堅恢拓山門

龍溪觀在縣西南宋淳祐間道士龍恕菴創元至正間道

士譚碧梧修明永樂間有道士郭一儀掌生肉印飛身

仙去

金溪觀在縣東宋慶厯間永新昊天觀二聶公創明洪武

間道士游樂靜修 國朝康熙十九年庚申千總李薛

貴重修

白雲觀在縣南元延祐間道士吳守素建奉有勅諭並馬

天君仙筆現存觀內門前有冠子石鏡鉸石印心石古

蹟明永樂五年丁亥勅諭全真道士謝翠梧

法雲山在縣西黃江橋邊 國朝康熙五年謝九官建

漁龔菴古寺基在城西北其先有僧能飛身往來宋主召

至京師祈雨立至上疑為妖術覆以銅鐘燹火一日夜

明旦啟視面赤流汗賜勅回籍卒葬寺後寺頽邑進士

謝上舉捐貲重建

按菴後有巖內二小洞初出鹽米飼僧有僧鬻其鹽

遂不復出近於溪邊掘土築牆得古大鏡一面

永福菴在七溪嶺青雲塢 國朝康熙三十四年乙亥邑

令戴振河築菴建思善亭於右膳僧徽音施茶嶺巔舊

有日望亭為新寧分界處歲久圯壞邑令戴振河修

西泉山在縣西壇前 國朝康熙甲辰年副貢龍上躍創

僧破我開闢時無水忽甘泉湧出湖西道施閏章慕其

勝題曰西泉

永鎮閣在縣北永新界萬曆二十年壬辰知縣張應徵屬

典史徐繼芳建萬曆三十六年戊申知縣單有學修今

廢

觀音閣在縣西一里曩遷龍王廟其上萬曆三十二年甲

辰知縣曹良貴倡邑人陳茂廉謝師聖李宇周夢震周

朝鍊靳國檀等建閣謝上舉題曰水月禪心

昆盧閣在縣西元天曆二年己巳知縣謝宗和建世裔謝

師聖修

振潮閣在三背尹氏修

文昌閣在長溪謝團山建石橋

凌雲閣在大礮石橋邊貢生尹逢源尹良馴監生尹陳統

建

龍溪閣在龍溪觀右邊眾建

靈傑閣在古田尹姓建

紫微閣在葛溪水口

青雲閣在葛溪王姓建

仙傳

周

龍日華

漢

武公

吳

葛仙翁

晉

王子瑤 盧度 楊善 黃仁覽 黃衣真人附白

鶴真人

唐

匡智 蕭靈護 蓑衣仙 顏董羅三仙 陶皮二仙

王仙師 介山真人 昭濟兄弟 楊筠松 方仙

吳自宣 鍾赤脚 李梓 周仕功 劉真人

五代南唐

沈廷瑞 嚴惠明

宋

李思廣 徐神翁 曾志靜 周十郎 墨 大

朱元飾 何 真

元

劉洞誠 真火符者 劉思敬 徐子奇 梁海靖

曾貴寬 胡雪坡 劉咬指 史谷蟾 李道貞

明

趙元陽 戴洪崖 冲正道 羅嘉仙 劉蓬頭

顧止安 吳伯綱 胡安道 賀處元 李天麟

謝允一 楊玉溪

國朝

賀元白 周阜桃 羅 暘 魏華存 吳彩鸞

許 娑 泉真人

周

龍日華不知何許人避秦亂修煉於龍華山功成有青衣

童子下謁遂騎白鹿上昇今白鹿觀是其地舊府志

按戰國秦此地無甚傳人而舊志有龍日華又係神

仙家言是否避秦亂亦無攷當是秦二世間年代相

距不甚遠姑仍之

漢

武公蜀人失其名漢末與其婦南來尋修煉之所夫止安

成瀘瀟山婦止西昌武岡後皆同日化去陳武帝時楚
人有歐陽頽者從長沙率兵赴義討侯景夢仙者揖曰
吾家於此當助順為公前驅頽以語帝遂平侯景因改
武公山為武功遣人齎香帛至山勅封之

據武功山志增

吳

葛仙翁名元字孝先句容人吳時得道以丹授弟子鄭隱

其從子

當是從孫

葛洪又從鄭隱學煉今陽山有丹井竈在

焉洪嘗修煉於冲虛觀中今之靈岡丹井尚存又嘗徧

歷東南各洞天武功仙壇尤為最著

參府縣志

晉

王子瑤字大臯華陰人懷帝永嘉中自玉笥至太和即黃

茅岡築壇醮籙感白鶴翔舞事聞賜名白鶴觀給錢千

緡買田贍之後東遊見義山心喜就洞口建壇禮斗誦

黃庭經於是玉女降九鼎丹方修煉四十八年白日昇

天安志廬陵永興觀永嘉元年王子瑤居此自言子喬為

其兄後仙去改觀曰玉仙

玉堂閑話

盧度字彥章始興人有道術少隨張永北侵魏永敗魏人

追急阻淮水不得渡心誓曰若得免死從今不復殺生

須臾見兩楯流來接之得渡遂隱居廬陵西昌三顧山

鳥獸隨之夜有鹿觸其壁度曰汝壞我壁鹿應聲去屋

前有池養魚皆名呼之次第來取食乃去逆知死年月

與親友別永明末以壽終

豫章書本南史

楊善晉時雲遊至廬陵東山真常觀適歲旱於東城植竹
為壇以禱雨大澍遂於山下結茅居焉道成蛇化今懸
崖石上有迹可徵名勝志

按舊府志有楊仙師傳與此畧同有後於五岡峯飛
昇句似與東山蛇形兩岐故刪彼存此

黃仁覽父輔仕晉至御史仁覽為青州從事娶旌陽令許
遜女從遜學道術居清化鄉洞陽山後全家上昇山有
昇雲臺唐大厯中為之立觀江南李圭賜田以贍今壽
昌觀是

黃衣真人葛仙弟子稚川棲山煉丹真人隨之葛既仙去
留丹於柱石之間真人自外至得一粒服之為地行仙

白鶴真人亦師事葛仙後化白鶴翔空而去今山名白

鶴峯俱安福志

唐

匡智長安人貞觀間棄妻子與姪大郎往廬山修煉居七

日有老人曰此山陰地仙不可得南有名山陽地可往

居之乃至吉州望見義山忽有樵夫引二人登山曰此

山安穩勉力精修遂於送龍洞尾立第二壇朝夕禮斗

既數年中元節上帝降仙衣智服之足下雲生上昇而

去大郎更立第三壇亦朝夕禮斗次年七月七日尸解

事聞救鄉人祀焉胡記

蕭靈護字天祐廬陵人自少好道嘗遊嶽麓遇鄧真人授

以火鼎黃白之術遂精內學高宗宏道二年中秋忽語其徒曰吾將往矣是夕尸解豫章書

蓑衣仙嘗衣蓑衣初詣元妙觀來遊清華道士張天全納之一日呼天全與俱行天全不欲遂辭去歎曰此人為

青面老子悞一生青面老子謂辛天君也有人自嶺南來寄書天全即與天全別同日舊府志

顏董羅三仙不知何時人皆於永豐縣北龍門山學仙今

太元觀有丞相牛僧孺碑記永豐志

陶皮二仙不知何時人於武山仙去丹竈尚存今俗呼其

最高峯曰武婆岡秦和志

王仙師失其名仙槎石頭步人有墓在每歲祈雨造芒履

長尺二寸掛於墓多應驗秦和志

介山真人長髯碧眼坐石屋中十日不食食惟松梧子或

黃豆子百許有叩之者則曰老子騎青牛禦寇啖黃石

問其年復曰青雲來元鶴至昂入絳樓了吾事後二年

果雲繞其屋鶴翔其巔乃呼鶴乘雲而去列仙傳為漢

人舊府志

昭濟兄弟三人仲名八季名九萬安人唐廣明起兵拒寇

入遂川山行遇異人授以撼山鐸至白沂登岸語舟人

曰我死葬於此是日乘雲仙去後賜號昭濟萬安志

楊筠松唐時人修煉於永新今隸蓮花廳嘗之元陽洞中

得秘府書了參元旨注黃庭內經行世後蛻去越數百

年復至以鐵筆鐫詩石上有洞天怪我多生別五百年
間又再來之句今洞外大石現巨人履跡傳爲筠松遺
躅手植一杏華時猶蕃盛如昔

蓮花廳志

按贛州府志載楊筠松竇州人唐僖宗朝官至金紫
光祿大夫掌靈臺地理事黃巢破京城乃斷髮入崑
崙山步龍一過虔州以地理術授曾文迪劉江東諸
徒世稱救貧仙人卒於虔葬零都藥口壩其出處卒
葬甚明又堪輿家之祖也而此以爲修煉蛻去當屬
附會姑仍而詳著其實

方仙不知何時人樵於山遇異人授辟穀術遂採芝餌木

一日舉手謝衆而去

蓮花廳志

按蓮花廳霞方山爲方仙飛昇處桃花山種桃遺蹟

猶存

吳真人名自宣唐武后垂拱二年由婺州來永豐太平鄉
獺岡山修煉初山岡無水宜至有白龜負泉而出延載
元年二月丹成上昇餘丹撒楓樹下紫雲數重覆罩累
日事聞改太平鄉爲雲蓋鄉山爲吳仙觀今屬樂安

鍾赤脚永豐人一都有小巷赤脚來遊居歲餘復有一道
士尋訪而至雪夜同坐里人窺之以亂石燃火紅熾如
炭人駭之遂不見後壁上有詩云陰陽鼓舞幾時休順
則晴明逆則流風雲雷雨從地出痴兒仰面向天求噫
永豐若無曾發幹紙畫神仙也不留始知其爲鍾離洞

賓二仙也因名其菴爲道堂

李真人名梓永豐人嘗修煉清和菴後得道而逝所存有

李氏語錄

周仕功永豐人號懶真好道修真叱咤雷霆立應郡邑歲旱疾疫有禱者無不感應年八十將終空中聞隱隱簫聲書贊曰道非道空非空洞簫聲斷明月清風遂端坐而逝

劉真人永豐人出入每跨虎一夕乘醉夜歸繫虎於株樹

及明酒醒往視之虎折樹去至今折樹尚存

以上永豐志

五代南唐

沈廷瑞彬次子有道術嗜酒却粒寒暑一單褐數十年不

易跣足日行數百里林棲露宿多在玉笥浮雲兩山後

不知所終

吉水志

嚴惠明字養愚龍泉人有仙術擇禾蜀鄔嶺之巔結廬而

居前有杉杪結成小鐘風至鏗然有聲嘗有客至自稱

曰純陽子道貌竒古與之談論不倦後二人俱遁去見

白雲騰起從旦至暮里人謂之嚴仙嶺

龍泉志

宋

李思廣字景淵吉水人放意山水間得錢即易酒或醉卧

市中政和四年來螺川止習溪橋有酒姬頗異之每飲

不問其直久益不替一日忽謂姬曰我當別得奉書報

謝晨起視則已死體發熱如生召所親葬之後有自衡

來者為景淵致書謝姬郡少年發其塚獨有空棺吉水志

徐神翁海陵人崇寧間來遊安福北真觀忽江漲徐飛巾

水上渡江去舊府志

曾志靜廬陵人自少不御酒肉端毅寡言去為道士忽遇

異人授以道術自是辟穀十餘年異人來視曰未也別

去又數年至曰可矣宋至和二年春告其徒曰吾九月

將為衡山之遊至期端坐而逝既葬有自衡山來者持

其書與徒勉勵其學道始知己仙去廬陵志

周十郎廬陵人嘗結菴江澚得修煉之術宋時尸解於菴

在江河顯靈舟人多叩之號曰周公化主後人建廟塑

其胎骨以祀廬陵志

墨大兄弟萬安人因王事俱沒於白沙灣夢告鄉人遂葬

岡下後人於岡上立廟建炎中贛州齊述兵叛時孟后

留贛帥臣龔大尉收獲神助之縣東深坑劉寇逼縣治

軍中見黃旗繡帽有墨公兵馬翼陣大尉以事聞封伯

曰顯靈侯仲曰正靈侯廟號嘉濟墨侯有道術能以符

役龍以法威虎萬安志

朱元飾萬安人不事神仙之書服道殊勝常嘆曰生不封

侯死不廟食非丈夫也後早卒世傳四川為神曰朱將

軍或以為紫泥真人萬安志

何仙名真靖康末結菴龍泉故寺巖修道紹興十年邑旱

真積薪自然火未息而雨至邑人遙望烟霧中騰身而

去龍泉志

元

劉洞誠安福人元初學道於武當山道成隱居吉安城西

玉泉觀能驅役鬼神立現禱雨治病其應如響舊府志

真火符者不知何許人元初遊永和寺年九十餘雙瞳炯

炯夜能蠅頭細書當夜必潔室以水沃地方布席散髮

偃卧其上明日地猶濕惟卧處乾竟莫知其終舊府志

劉真人思敬廬陵人少落魄不羈嗜酒好長生術及長遊

蜀中從陳靈寶受丹砂訣行混元之法徧歷諸名山年

五十始入龍虎山為道士自號真空子尋主毓和道院

鍊鉛汞為丹砂服之者疾良愈至元十八年世祖召對

稱旨上苦足疾進六甲飛雄丹吞之而瘳復召問曰卿

壽幾何對曰踰七十矣曰卿顏何童耶對曰亡思亡慮

勿撓其氣惟一惟純以守吾真上悅賜葡萄酒飲之每

賜輒醉醉輒仆地而卧嘗以真神仙稱之居八年乞還

山賜銅簡鐵笛及百衲袍既還結八卦菴於琵琶峯右

月夜坐磐石上持鐵笛吹之二十八年八月呼陳鍊師

劇飲曰我明日將死與子醉別及期側卧而逝至正間

贈凝妙靈應真人摘宋景濂集

徐子奇廬陵人元季求官仕京邸留三年不遂有道士黃

巾謂子奇曰子相無貴然有仙骨吾以淨明法授汝子

奇拜受歸死之日更衣沐浴端坐而逝兩玉筯垂至膝

廬陵志

梁海靖字朗然龍泉人元末與妻蕭氏避亂於左安遇異人授以仙術辟穀不食能呼召風雨一夕語妻曰昨夜玉皇詔我為驅邪大使吾將與爾偕行至期召戚友至將席坐浮深潭同妻死於水里人見半空中夫婦攜手而去立廟祀之曰梁上仙

龍泉志

曾貴寬號塵外道者安福人從張天全受法修真於洞淵觀遇周顛仙後以雷法授趙原陽

胡雪坡安福人善修煉術年百餘貌若兒童端坐而逝廟在胡仙仰

劉咬指安福人賣豆乳為活對人寡言笑終日只咬指忽踏雪大街上眾以雪堆之如山意必死矣開視之氣如蒸笑而去不知所之

史谷蟾天澤之裔安福人學道武功山後有雷巖谷蟾得登之

李道人名道貞安福人至元建葛仙觀因樵遇仙作冲元壇又與史谷蟾造圖坪菴

以上安福志

明

趙元陽名宜真宋武功王昭德十三世孫其父仕元為安福令因家焉幼習進士業例試入京以病不能赴夢神人曰汝神仙中人何望世貴遂從塵外遊師李元張天全結茅匡山居之於正乙天心雷與全真還丹之旨多

所發揮洪武壬戌正月朔謝衆曰自今閉關以還吾真
慎無干焉五月三日夏至啟關漱浴更衣趺坐乃脩然
逝其徒劉淵然得其道脉所著有詩詞歌論若干篇景
泰六年贈崇文廣道純德原陽趙真人

豫章書叅
舊府志

戴洪崖廬陵人與大學士陳文同里初文爲諸生時六月
赴郡試謂洪崖曰酷日爍人奈何洪崖曰先生行矣俄
有片雲起大櫟橋覆公輿達郡無復日炤今戴家柱聯
有拓基不遠將軍地團雲曾蓋宰相輿之句其教最顯
於襄湖間

廬陵志

按洪崖家對一山當大櫟橋水中有方丘遠望如印
名曰玉印浮波羅相爲之記

冲虛子姓饒名正道字中正吉水人生有奇相一道士見
而異之曰是子非塵垢中人攜入崇道觀授以金丹秘
要能運精氣書符篆驅役雷霆工七言詩往往有奇語
洪武間徵爲太常樂舞生會夏久不雨有以正道言之
太祖者即日命建壇神樂觀正道凝神默坐期以三日
必雨及期日色如赭俄有雲勃然從東方興雲際閃閃
見旌旗狀上隱隱有青雲二大字已而雷電交作雨下
如注永樂九年授北京祠祭奉皇太子命修醮於白雲
觀皆有異徵賜號冲虛作冲虛菴記予之

吉水志

羅嘉仙棲上老山石巖中有白井遺蹟

安福志

劉蓬頭稱遠客不言其名結茆獨棲蓬頭垢面絕粒食苦

言安所志 卷之一
菜山外人往往窺其寢處無烟火如此者三年後不知
所去手植桃樹數株經久不長不凋歲開花不實今九
龍山左故址猶存

安福志

顧止安寓上城觀有道術禱雨輒應能役鬼與廟神角嘗
僵臥室中三晝夜家人偶見蟻從止安鼻孔出入驚覺
之止安曰惜早寤我未能大克三年當火其廟其異如

此

參安福志

吳伯綱父咨以明經官黃州伯綱隨父任冬日見道士赤
脚立雪中呼曰子履我乎履之加襪後遇道士於路授
以書啟之乃檄蒼龍文也昔吉州旱太守禱不應伯綱
往見曰生能呼雨遂登壇以掌擊案雷應壇外皆雨其

壇獨晴袁州旱聘之禱雨宜春臺雨雹立至起指西北
角曰吾村田尚需一雨當寄雨歸是日其村田獨雨安
福棠岡潭水縮三尺潭中水草皆空而袁州雨雹雹中
皆水草其神異如此

安福志

胡安道安福人今隸蓮花廳常牧牛至石屋崖下假寐石
間數日不醒夢遊洞中忽得一小徑甚明淨尋之見一
院有青衣童應門入見座上尊者鬚眉岸然衣冠華楚
顧旁立黃冠云此人骨秀宜授以內鍊之術畀篆書一
冊瓦盂一事安道挾以還覺時遂詣符籙能致風雨鄉
人有疾以盂呪水飲之立瘳

蓮花廳志

賀處元字冲微永新人入安福磬口結廬修煉精符訣以

治疾祈禱輒應善吟咏工楷書士大夫多樂與之遊積歲優遊閒養著述不輟後跌坐瞑目而逝段不已為作

冲微高士傳志永新

李天麟安福人今隸蓮花廳隱拱北觀得許遜清淨之道嘉靖六年張真人錫以銅印命為都講名公卿皆器重之後羽化時朗吟曰聚仙山上聚羣仙共笑塵凡幾萬千隨處蓬萊人可到何云弱水浩無邊

謝允一字樂齋安福人今隸蓮花廳母方妊夢神人以玉環餽之生時左掌有丹砂紋年七齡失怙恃為都飯牛一夕雷雨大作允一陷深潭神引出至元陽洞外晨興老叟物色之授以內經秘典嘉靖中邑大旱致禱立應

鄰女為狐祟濱死允一用雷火殛之病隨愈常詣上清講法放遊名山水多題咏著有壺山漫集元陽正宗後重九日端坐而逝俱蓮花廳志

楊玉溪廬陵人住東華山性朴澹獨嗜酒怡曠自放於老氏書多通究廬陵志

國朝

祛虎道人賀元白永新人今隸蓮花廳貌甚清臞衣襤褸笑傲自若能以術祛虎農人鑿石深山道人書符畫界虎眈眈不敢逼輒斂首搖尾而去尤能祈禱境甚賴之

蓮花廳志

周阜桃字雪六安福人今隸蓮花廳修真洞仙觀年七十

餘神氣爽朗如壯時康熙己未安福大旱邑令郭孫俊
延之禱雨輒應後黃華觀羽士譚真文賀殿遠皆以禱
雨神應聞於時蓮花廳志

羅暘廬陵人明給事中大紘孫國學生得異人授能知三
生果非有道者不與言巡撫董衛國嘗賓禮之世稱為

羅神仙廬陵志

女仙附

魏夫人名華存字賢安任城人司徒魏舒女也少讀老莊
春秋三傳五經百子常別居一園獨立閑處服餌胡麻
父母偏之強適太保公掾南陽劉幼彥疇昔之志存而
不虧後幼彥為修武令隨之縣舍按豫章書及舊志別云生二子璞瑕後瑕

為安城太守夫人因修真浮仙觀

閑齋別寢忽夜半有真人降青童君

云此清虛真人者爾之師也當受業焉景林真曰爾應
為紫虛元君上真司命南嶽夫人也清虛真人王君授
以太上寶文八經隱書等三十一卷後仙去內瑕二女傳

為思微二真人亦煉丹於丹霞觀今丹石尚存風月之

夕光彩爛然豫章書

吳彩鸞天寶間來遊安福之福聖寺手植兩羅漢柏於觀
音閣前入小室中七日寫法華珠林經百二十軸一夕
去不知所往其紙粘連處至今不斷絕二柏甚茂年年
結實或呼其院為神仙云舊府志

許婆不知所由來衣服檻褸開慶二年提籬乞丐於市言

人禍福多應坐水上衣履不濕常遊絕峯之巔採藥跨
青鹿而行若飛莫知所之因號許婆峯產紫草龍泉志
泉真人即白水真人郭禪師妹也少好仙術施食池魚中
有赤鯉化巨龍北去後居龍泉鄉白水菴下有龍潭歲
旱禱雨輒應萬安志

釋傳

梁

慈雲

唐

司馬道信

行

思

曹三刀

至

誠

希

遷

元稱

釋

泰

應

真

五代南唐

楊可然

李德晏

元澄

吳無殷

陳自隆

道詮

宋

溫受

劉文悟

劉進英

集道者

釋齊

羅法光

釋

蕭

羅熙明

慶

閑

雲豁

巖嚴

降

龍

古度

無名道者

宋光山

藤架隴

惟

信

葦航

覺

山

劉達

定光

超

宗

附列止觀

釋

如

釋立

元

曾普照

天

如

郭雲半

無

詰

吉安府志

卷六十一

釋

五十一

明

白雲 王非空 天真無學 天同

南浦 妙湛 受此峰無碍 引空

古凡 本寂 顛愚眉 卷倪大然

本解 大智 附周大赤

國朝

濟昌 從化 中千 別印 超悟

大愚 臨田 行中 智果 竺堂

界千 武功異僧 附通忍

梁

慈雲永新人梁天監時遊方至吉州開水香曰此上有聖

菩提可立錫乃尋沿上流得今名阿育塔山者掬水飲

之曰我此休矣遂依磨箭嶺結菴居焉日潔志焚誦不

怠後傳其昇化今尚山菴乃故址云 永新志

唐

道信司馬氏子蘄州廣濟人年十四禮曰願和尚即所稱

三祖隋大業十三載領徒至吉州值羣盜圍城七旬不

解萬眾惶怖信愍之教令念摩訶般若經時賊望雉堞

間若有神兵乃相謂曰城內必有異人不可攻矣稍稍

引去 景德傳燈錄 唐武德中駐錫潮山日坐禪寶峯之下石

室中結菴山巔菴成江水逆上至菴前其聲急若潮因

名潮山 舊通志 諡大醫禪師塢曰慈雲 正宗記 參 豫章書

行思安福劉氏子幼出家參曹溪慧能歸住青原山淨居寺指月錄開元二十八年陞堂告衆跏趺而逝僖宗賜諡宏濟禪師塏曰歸真嗣慧能尊者靜居寺有化身塏參青

原志

按行思為青原開山禪宗豫章書列有青原一派行思故村在武功山南石下幼歲出家每羣居論道行思惟默然往參曹溪慧能問以當何所務即不落階級答曰聖諦且不為何階級之有慧能深器之行思既得法歸住青原安隱寺慧能將示滅有沙彌希遷問當依附何人曰尋思去後乃悟尋思和尚也有僧問行思佛法大意答曰知廬陵米作何價後思付法

石頭唐開元二十八年庚辰升堂告衆跏趺而逝各志傳稍畧附添數語於後

三刀者廬陵曹氏子出家吉州龍興寺常以竹筒盛金剛經佩誦之時安史亂吉州刺史劉寧選充行營小將非其好也遂亡捕獲令斬於朱木橋三刀俱折劉怪問之答云持金剛經於被獲時遺墮隨於百步得之竹筒有刀痕幾絕乃縱其為僧奏聞敕號三刀法師豫章書

至誠吉州太和人少入荆南當陽山玉泉寺師事神秀秀之徒衆往往譏南宗曰能大師不識一字有何所長秀曰他得無師之智深悟上乘吾不如也且吾師五祖親付衣法豈徒然哉吾不能遠去汝等可往曹溪質疑至

誠遂至韶陽隨衆叅謁不言來處慧能告衆曰今有盜法之人潛在此會至誠出禮具陳其事即誓依歸乃呈一偈慧能然之尋回玉泉

舊府志

希遷高安陳氏子行思法嗣少時其鄉洞獠民人畏鬼神多淫祀具牛酒賽神希遷輒往毀叢祠奪牛而歸聞大鑿南來往謁爲弟子既了徹往來羅浮三峽歸就山後聞廬陵清涼山思禪師得曹溪真諦攝衣從之思一見稱曰角雖多一麟足矣天寶初造衡山南寺結菴石臺衆仰之號曰石頭和尚或問解脫曰誰能縛汝問淨土曰誰能垢汝貞元六年卒年九十一

袁諫章書

元稱廬陵人唐貞觀中東遊至太和今龍泉境居水定院

有兩琉璃瓶盛辟支佛五色舍利及貝葉梵書金剛經

置於院

廬陵志

秦上人於貞觀元年雲遊玉壺峯下抱膝危坐愛山水清幽歎曰瓢笠之緣其有在矣即其地卜基營道場寺成榜曰樓閣日坐一室悟衆宗旨後自知化期盥沐端坐而逝

蓮花廳志

應真住吉州耽源山南陽慧忠法嗣忠於代宗大曆十年以化緣將畢乃辭帝曰告檀越造取一所無縫塼帝請塼樣對曰貧道去後有侍者應真知之塼葬於黨子谷詔應真問前語真良久述偈曰湘之南潭之北中有黃金充一國無影樹下合同船琉璃殿上無知識

傳燈錄

五代南唐

可然名隱微新淦楊氏子吉水龍華寺僧道行高妙知龍

泉場事李孟俊請居什善道場南唐主召至建業居龍

光禪院遷豫章一日升堂別眾僧入化歸葬吉水仁壽

鄉宋開寶三年韓熙載叙其塏云言自龍泉來歸鳳闕

賜號覺寂禪師諡曰元寂

龍泉志

德晏李孟俊長子為韶陽令保太初棄簪笏歸投永定寺

為僧南唐主賜號顯德大師

龍泉志

元澄名本寂南唐時莆田人姓黃洞山悟本之徒保太中

住持本縣曹山號白眉禪師

永豐志

無殷福州吳氏子七歲依雪峯真覺出家年滿受戒遊方

抵筠陽謁九峯峯許入堂初住禾山大智院學徒濟濟

述垂戒十篇江南國主召問曰和尚何處來對曰禾山

來曰山在何處曰人來朝鳳闕山嶽不曾移國主重之

居揚州祥光院復乞八山命往來於翠巖上藍兩院號

澄源禪師

傳燈錄

猪頭和尚姓陳名自隆南唐時人凡人家有修善願者至

時輒用猪頭一枚爛煮別室自隆飽食之時有諺曰猪

頭熟鬼神伏故號猪頭和尚後得道坐化其真相尚在

醴泉寺中

永豐志

道詮吉州安福劉氏子禮吉州思和尚八世法嗣長沙慧

輪受戒及劉遠代劉言有長沙疑詮江表謀者乃令捕

執將沉於江詮怡然無佈達異而釋之加禮重詮棲泊
延壽經十稔輪既歸寂乃回廬山開先寺駐錫宋開寶
五年居筠陽九峯隆濟院闡揚宗旨尋江南國絕僧徒
例試經業詮之徒衆並習禪觀乃述一偈於知軍曰比
擬忘言合太虛免教和氣有親疎誰知道德全無用今
日爲僧貴識書知軍謂僚佐旃檀林中必無雜木唯師
一院特奏免試經雍熙二年跌坐歸寂

參豫章書

按豫章書釋門自道信受戒吉州號四祖傳宏忍曰
五祖傳慧能曰六祖傳行思曰七祖遂開青原之派
今考青原派中自行思而下傳九世共六十七人其
爲吉人與非吉人但住青原而苦修卓立已另爲立
傳者得三人曰希遷曰道銓曰齊此外曰禾山和尚
曰靈巖寺惠宗曰南源山慧觀曰秋山和尚曰潮山
延宗曰龍須山資國院道殷曰清平堆曠真寂曰匡
山和尚曰黃山良匡九僧皆由青原而分處各刹頗
有禪悟餘五十五人俱宗青原之派而未住青原者
詳見豫章書

宋

溫受龍泉人得念佛三昧不依師落髮自言吾即佛母故
時人以道者稱之至道元年入傳擔山結茅菴以居撒
菜豆粟子於山皆茂結山多虎道者出入不忌或卧於
山虎見則坐而守之有時入巖罅中取蓮藕花果遺人

雖多亦辨有藍王二行者繼來受事之一日謂鄉老蕭
應求曰吾有替人當遠去可來叙別亟視之則長揖跌
坐塲中命衆人共封錮之約七日開既開已失所在獨
遺一布巾雙草履應求之弟浩以網運至陳留市見之
笑語如平生附三書與應求及二僧其後藍行者坐化
王行者隱葬於石函一月開示之亦不見其處舊府志
文悟太和劉氏子自幼不茹葷比長爲念佛善友時青原
信道風鼎盛因落髮師事之暨信順寂徧歷禪會復還
青原住吉水南岡明教典通儒書住六年去之巘山得
源菴坐定良久乃索紙筆書四頌以辭永豐吉水太和
三邑道友時紹興四句閣維得舍利極多舌根與齒不

壞叩之作銅鐵聲熟視耿耿有光其徒塲而藏之有語

錄二卷

泰和志

進英太和劉氏子出家龍安寺悟法於廬山歸宗真靜得
語言三昧佛印名之曰英鐵嘴政和四年住衡州花藥
寺有報恩語錄一卷花藥語錄一卷舊府志

集道者太和真如菴僧禮巨菴爲師有道行一日辭師遠
遊叅學至廬山圓通崇勝禪寺悟道每日積柴一片既
滿室辭衆架柴自焚其身火中出偈云真如集道者萬
緣都放下四方八面任縱橫一輪明月當空挂噫誰肯
當眼觀者所遺舍利立塲尚存豫章書

釋齊住吉州青原慧能十四世石門易嗣也從雲蓋智出

家執事者座後徧叅至石門印契示寂日說偈遺衆曰
昨夜三更過急灘灘頭雲霧黑漫漫一條拄杖爲知己
擊破千山與萬山

指月錄

法光太和羅氏子喜爲詩從蘇養直遊祝髮於大瀉空印
得法於死心靈源以朝命住嶽麓

釋蕭永新人習手力嘗往慶雲寺夜宿聞鄰壁有相語者
云院主明日欲烹我飼蕭手力你自照管莫著鷹鷄狐
狸打却蕭起窺乃一鶩對小鶩作人語耳詰旦寺僧果
欲殺鶩因求免乞鶩歸養之後出家得法與鶩同昇化
熙明號性空居士吉水羅氏子少爲蜀商遊峨眉悅之喜
學浮圖道術六十餘喪父母絕葷酒棄家潛姓名入重

慶真武山中子通挾厚貲物色之居士一日謂其徒曰
明旦有遠人來善視之比曉通至號泣請還不答又三
日慰其子曰汝第歸某月日汝已得子所挾物慎無留
此作崇取所畫己像書偈付通曰吾非汝父此爲汝父
能生活汝者謹奉持以行遂絕口通不得已返舟經黃
陵灘風濤倏起同侶盡溺忽憶父語抱軸浮水得免至
家子秀章生訊月日俱驗後召山人周良授書二編且
曰某日吾歸此編將以相報其一俟吾孫秀章來與之
至期而逝年九十二

以上舊府志

慶閑黃龍南嫡嗣廬陵知軍張鑿請居隆慶法席最盛元
豐四年三月七日告衆入滅說偈畢入浴浴出以巾搭

膝而化神色不變爲著衣手足柔順髮剃復生知軍來
觀仍復平視開維日雲起風作煙氣所至東西南北四
十里草木沙礫之間皆得舍利如金色

按慶閑事蘇轍嘗爲作記而疑之方卧店有訶者曰
閑禪師事何疑哉疑即病矣轍記末云稽首三界尊
閑師不止此憫世狹劣故聊示其小者

雲豁廬陵曾氏子得法於清涼宋真宗遣使召至訪問宗
要留上苑經時冥坐不食上嘉異賜號圓淨辭歸以詩

寵其行改寶龍曰祥符

以上廬陵志

巖巖雲豁高弟一日辭去渡懷仁江有蛟每爲行人害爲
說偈誠之蛟輒去過黃楊峽渴欲飲會溪涸以杖撻之

即得水武平南黃石巖多蛇虎巖巖住止蛇虎皆可使
令遊南康盤古山先是西竺波利尊者經始識曰卻後
當有白衣菩薩來興此山住三年乃還江南眠槎爲行
舟礙尊者舟過焉摩掌之曰去去莫爲人害槎一夕蕩
除之有僧自惠州來曰河源有巨舟着沙萬牛挽不可
動願得以載輒建塔於南海爲衆生福田巖巖曰此陰
府之物付汝偈取之僧領偈倡之而舟爲動至五羊有
巨商從借以載僧許之方解繹俄風作失舟所在卒諡
定光圓應禪師相傳師說法時感天雨花天華山以是
得名今永和市中本覺寺前有古佛母墓舊府志
降龍住能仁時齋厨每有二童子來索食輒與之一日偶

出執爨者怒逐之二童子躍入井井水沸溢衆懼亟報
降龍乃覆木盤井上趺坐而化水息方知二童子爲龍
也化身尚在丙戌間遭兵火寺僧乃以入塔舊府志

古度名超方廬陵人初有文譽遇國難兩服毒不死夜夢
金甲神人示之曰天下事可爲者豈獨在忠孝哉無生
法可學也乃投寶華忍和尚受具授以竹篋子話疑情
益發偶遇道人爭道忽然大悟卒入青原叅眉菴留
首衆三年遂嗣法焉住資福院學徒日衆一日以字投
資國請闍維偈未至自說偈而逝年四十一塔於資福

廬陵山之上廬陵志

無名道者不知何許人紹興間有建龍華道會於邑中者

時集雲遊士五百餘衆獨一道者坐化道壇中示偈曰
萬里雲歸洞千山水向東玉爐香冷處烟散碧霞中永

新志

宋光山賢居寺僧有慧識吉凶悔吝必先知之嘗鳴篋驅
蝗祈水解疫濬涑泉以卜文明作鷄聲免一寺災一日
謂衆僧曰白鶴至吾當西行越數歲果白鶴至詰辰沐
浴而化萬安志

月波藤架隴僧精定業有一老人左右於波一日辭波曰
某非人乃北潭之龍也今奉上帝勅得徙龍姆潭矣師
其努力言畢而去是夕果風雨大作龍遂他徙其潭亦

涸萬安志

惟信黃龍祖心法嗣也住青原云老僧三十年前未參禪
時見山是山見水是水及至後來親見知識有箇入處
見山不是山見水不是水而今得箇休歇處依前見山
祇是山見水祇是水大衆這三般見解是同是別有人
緇素得出許汝親見老僧青原志
葦航永新尊勝院僧戒律精嚴常撰金山九朝齋科緇流
誦傳之宋末峒獠燔劫鄉邑殺人盈城野葦航即城西
東嶽廟作佛事以追拔兵死者其日天花晝雨枯井涌
甘泉豎旛廟後高嶺人因稱爲旛竿嶺永新志
按後院廢其手錄科文藏他家遭燹鄉人於瓦礫中
見厚土覆一函開視乃其文也隻字未損今藏牛田

尹氏

覺山蜀人嘗持鉢入市鉢中開金蓮香氣拂人時或靜息
江濱佛光見頂人異之覺山曰即心見光即心見佛大
士千手祇一手千眼祇一眼心外無光亦心外無佛何
異之有後歸龍泉禪寺旋復入蜀萬安志

定光同安人年十一出家泉郡建興寺後至廬陵泰西峯
豁禪師至邑過懷仁渡時水暴漲人曰高漚潭有蜃出
爲民害定光投偈潭中水退洲起即今龍洲舊府志

按定光即巖嚴因泰和志載事蹟有異姑兩存之
超宗號慧方臨濟派也嘗舉拂子曰看看祇這箇在臨濟
則照用齊行在雲門則理事俱備在曹洞則偏正叶通

在瀉山則暗機圓合在法眼則行止惟心若要抵敵生
死則霄壤有隔括月錄

止觀廬陵人能仁寺僧

釋如永新志載白楊法順法嗣

釋立吉安天寧梵思法嗣見明教嵩正宗記

元

普照名福可太和曾氏子既長北遊禮澤菴更名行滿號

南山自是處叢林益有名成宗召見賜賚極厚號佛慧

鏡智普照大禪師仁宗朝制授銀青榮祿大夫司空復

命趙孟頫記其功德林志

天如名惟則永新人幼祝髮入禾山遊虎邱得中峯宗寺

精究禪微禾山僧遣徒迎之天如曰彼中自有打鼓人

矣遂不歸住姑蘇獅子林善詞賦所著有楞嚴會解淨

土或問禪宗語錄十戒法圖說天如集雲陽李提舉初

臨川危學士素序之稽古錄

雲半間元末太和郭氏子幼祝髮三顧之護國寺厭其器

雜穿石鑿虫而居每食必分魚鳥一呼即集誦經虎伏

而聽揮塵乃去穴居數十年有詩曰三山峴嶮一石巖

老僧半間雲半間夜半雲龍行雨去回頭只有老僧閒

遂號雲半間郭子章傳

無詰永新人出家東山寺性明悟精禪學兼涉儒書工詩

嘗學寫蘭於吳之雪窻僧揮灑變態不啻過焉永樂初

其法弟無塵運糧赴京遭沉無塵照免賠訖成祖嘉其
義賜以勅命

明

白雲居武功誦法華經忽睹五色盈空天花亂雨遂大悟
杖策峯頂見大蟒蟠石上爲說偈蟒點首而去弟子真
香上山途逢虎見雲護之比至雲方出定山無水禱之
井泉湧出胸前有肉眼黑白分明一日珠自墮侍者持
獻曰非我珠也旋拈瓦礫示曰此是我珠忽集衆說偈
端坐斂衣而逝年八十四著有牧牛圖說安福志
非空王姓永新人祝髮東山師事無詰諱戒律善詩歌行
草有晉人法學士解縉與友善著有翠微集舊府志

天真首叅五臺孤月又叅妙高峯更名明果應羅洪先請

遂爲石蓮洞開山之祖石蓮洞樓禪志

無學廬陵良家子也常住西峯寺往來酒肆中丐食得飲

輒醉醉則謹呼跳躍遇人詈罵人毆辱之亦不爲動或
以葷腥進給曰菜則食鷄猪則弗食莫喻其意皆以爲
狂僧也工詩善書見鄒元標畫像拈筆題曰烈著都門
名噪天下世人見之謂是仗節死義之臣無學視之仍
是水田老者示寂於九江火其骨投之江一夕風雷大
作沙石湧積墳起其處人稱爲無學洲秦和志
天同泰和人住持茶山寺有至行宣廟召見官左善世有

勅碑存秦和志

遣禮部右侍郎李紹賜祭僧錄司舊府志

妙湛不知何許人明宏治間遊東山時值日夕四顧榛莽

樵子告以虎穴僧曰使吾佛法復興虎當避不爾吾即

非佛虎食我遂跣趺草上明且樵子往僧始出定邑中

諸大姓轉相驚告廣施金帛助壇場虎遂遠徙舊府志

受峯白下棲霞寺僧也隆慶初高峯菴僧法明迎至師事

之深究禪旨精修力持老不怠其律戒時近菴諸村苦

鹿兕踐田禾受峯嘿為驅之農賴有獲萬厯乙亥秋中

忽命其徒曰吾翌午欲西逝矣取水沐浴更衣微笑而

化年八十有九永新志

無碍年七十餘猶童真聲響如鐘初不知書夢有教之者

遂能書持律精嚴不蓄一錢得輒隨手散一夕忽夢坐

娑婆樹下覺而命工以木為娑婆樹狀置座間無碍遂

沐浴登座而化跌坐七日顏如生安福志

按崇禎己巳有僧顓愚來自五臺住摩訶菴見其遺

像為作贊見青原山志

引空名悟接出家五湖山後至石城洞劉聘君元卿結草

廬居之初不識字後了悟無盡法門遊諸名山禮講師

數十輩莫能難之晚益恍然於虛明廣大之旨明心見

性元卿謂其能視刀鋸如斫水斷空者然復禮書院諸

學士會講輒引入席安福志

古凡精修苦行日勤耕作夜誦經定心崖下時有猛虎伺側古凡呼為山猫後知期圓寂合掌而逝鼻流玉筋尺餘

本寂號真元閩邵武光澤鄧氏子年二十一從蟠龍了空薙染後謁雲棲授毘尼法尋叅壽昌無明萬歷乙卯主青原崇禎戊寅三月示寂塔全身於浮山

顓愚名觀衡霸州趙氏子前住雲居劉晉卿太史敬事之崇禎庚辰請開戒重鑄銅佛尋往江南創紫竹林天童來者機鋒頡滑顓愚曰語即不無只是不與老僧同叅有傘居錄行世示寂竹林塔於雲居即笑峰受戒師行秀為車乘法嗣金陵夏氏子出家寶光寺聽講清涼叅

天童密雲丙申秋往往龍須資國院院為釋道殷道場久頽圯孝廉劉而平率眾請師興之

大然號笑峰江寧人倪姓名嘉慶天啟壬戌進士為戶部郎以黨事下刑部七年單拈趙州無字叅題事白不起遂薙染一日整花架花刺著臂驚為蜂蠶覺而大笑遂豁所疑後印證浪丈人遂受法住青原山有衣鉢塢

青原志

以上

本解字全一湖廣人初居廬山之石船聞左良玉逆節遂溯流至遂水止夏溪茶菴城北郭士望建大力菴居之為人溫和儒雅篤學能詩復卜居石含山中名其靜室曰大禪居四載萬安朱氏聞其名請出山講金剛經即

與徒眾別曰余此出非應講期藉是將歸耳及講畢果
跌坐而逝著有石船詩草一卷龍泉志

大智字無可號藥地愚者桐城人方姓名以智崇禎庚辰
進士授編修國變披剃歷滇黔返棲壽昌得洪浪丈人
住持青原十餘年卒於安福縣塢歸浮山青原志

周大赤字晝人從煦杲披薙吉水石蓮洞

國朝

濟昌字智融號三莫茶陵尹氏子卓錫少廣林初叅慈峯
興化後力索數十年了悟萬法歸一宗風遠近翕從著
有神印語錄年八十二蜕化

從化字記之又字芝穎萬安劉氏子生三歲識字六七歲

父母俱亡十歲祝髮從僧本解居木禪講授宗旨並誦
經書子史後住大力菴年餘乃出山遍遊報恩天童白
巖棲霞天目雲栖諸叢林以詩寄邑明經蔡文詔有長
途歷遍徒烟水故國歸來空月明之句前明給諫倪嘉
慶以國變披剃主青原一見奇之曰芝穎梅子熟矣不
久當脫落遂置諸第六弟子易名興化以上萬安志

中千號賢公廬陵人受法於青原藥地居泰和之亦菴菴
為蕭太常士瑋所建嘗置賑獄義田又編輯同時詩文

為首山偶集寧都魏禧序之魏叔子集

別印生永新墮胎僅四歲送入寶林咏蓮有混跡泥中身
不染之句凡內典過目成誦著有禾山一燈行世四十

示寂停龕旬餘溽暑不變色後人題其像曰前身帶得
白毫光墮地着端識季常透關天空全不染似蓮空際

發清香

永新志

超悟號拊松傳臨濟正宗說法虔州龔公山寶華禪寺十

載康熙乙巳下寶華座退隱黃巖石鼓河著有二教正

論一卷梵網經一珠六卷寶華語錄

萬安志

大愚築室廬陵川龍山建龍德禪林道行高穆繼為僧範

圍住錫遠邇奔赴有盧氏捨地遂開叢徑淨侶雲集著

有語錄

臨田姓郭昆弟三人業耕貧無室一日牧牛牛忽逸逐之

日戾不旋其弟燃草尋兄見虎而止以兄為虎餘也走

別徑望兄踽踽來

告曰當追牛時若有物驅之遇老翁

止余曰此地草茂

飯牛而牛肥因出一莖食余殊有異

味與之語皆無上

法偶假寐醒忽失翁故逐牛旋臨田

終牧牛牛亦異羣

不食生草一日見異鳥來集松濤若

梵音不絕跌坐而化塏在萬安太平寺

行中結衲寶林雲峯近四十載苦志梵修靜叅有得康熙

丙辰三月空寂先期諭眾曰老僧二十一日午時當辭

世後十二年未復出見天日至期果跌坐而逝化身藏

塏中迄丁卯僧徒友文啓視之果不壞遂飾以金

智果字巖宗浙人百愚禪師入室真子初說法江楚滇黔

次至兩粵戊午開法虔州光孝寺遷住五雲西華山說

戒期畢住興隆山重修廢院續置田園以供常住有詩

卷行世 以上前安志

曇瑞號竺堂安福劉氏子母夢梵僧投珠而娠生三歲一日大泣母亦哭曇瑞忽又大笑鼓掌十七歲遂奔太平山釋定空為落髮往青原修苦行入廬山聞洞山觀影語有悟又觀紅日初昇豁然而徹於是遍參諸方順治十四年侍大覺老人 詔入禁林

世祖詔問治天下曇瑞奏曰從古治天下無如堯舜堯舜以大公天下之心治而已矣佛以大公天下之道善而已矣堯舜即佛佛即堯舜

皇上相承堯舜之道與堯舜同治如來同道明年歸入吳興

弁山受伴我和尚傳拂主金陵開法寶勝寺旋還安福祇山寶林與諸縉紳重興廬陵崇恩寺復入京主護國香光寺奉

旨往沙河歸住大城西方禪院遊五臺聞吉州兵後燼盡無餘辭歸見瓦礫荒榛口占詩云殘城烟火幾家存瓦礫荒榛處處村白鷺無餘空見水青螺有恨一聲吞回寺詩云誰知殘劫後又入此中來飛鳥巢無樹行人路有苔浮雲隨幻滅風瘴自風摧留得青山在空餘夜壑哀時漕督帥訪道入山遂捐俸重建崇恩寺居之康熙壬寅九月忽書封龍辭世等偈跏趺而逝年九十一化身存本寺所著有語錄詩集 新增

界千號法安之為人廬陵奉聖寺僧少通儒書精易善卜筮好與儒士遊喜作詩不自收拾其師子容開戒院中界千受法續闡宗先是明天崇間有湛然者為僧官賜冠帶至國朝熙時匪石傳且菴芻和尚戒由彌芳及子睿至界千指寮漸盛課經淨室兼讀易習書法脩然自遠塵壒外者有語錄沙彌日用書及史餘詩百章藏於本寺新增

武功異僧不知何許人雍正二年忽來白法寺狀甚陋而垢詰以語不答若啞不能言但用手書書或左右其手喜作詩時有賀日進館寺中兩人日相倡和忽異僧去日進遂若思若迷不言不食寺僧舁輿送之歸竟粒米

不入口不作人間想明年二月間端坐而逝新增

通忍號朝宗流寓萬安阿蘭若鳳凰寺等刹

附

宋賀氏永新人嫁同邑江安行有二子既寡即不茹葷日誦圓覺經不少輟或勸更誦他經賀曰要知真性本圓本覺出此即非佛義我非專誦經者聊寄心耳後子楹登第為賀州僉判迎母至官所賀忽語其婦曰吾誦經了無夢想近夜常見瑞光中有猊座欲昇之未果今閉目便見此相矣其歲五月沐浴更衣翌日食罷盥漱忽收足端坐兩中指結印瞑目而逝郡守范真清率其屬瞻禮歎曰丈夫不能如此令畫工寫像惟目睛未點乃

禱曰精神全在阿堵中願賜開示俄兩目炯然子孫扶
視皆謂未死頃間復瞑年七十七

豫章書

卷六十終



